

乾隆杭州府志

杭州府志卷十一

學校二 書院社學附

餘杭縣學

宋 初有

先聖祠景德三年縣令章得一建學

咸淳志

崇寧間重修

嘉靖餘杭縣志

紹興五年令范仲將徙于法喜寺基

咸淳志

淳熙六年簿范

某建門設戟

成化舊志

章得一餘杭縣建學記畧古之

尊師道而崇儒術厚風俗而正人倫也周秦漢魏晉宋齊梁隋唐而下旋及聖朝歷數千百年其間尊戴夫子之道者未有若唐室暨聖朝之最盛也得一景德中由廷尉寺授餘杭令時知府薛大諫以掖垣潤色詞臣改諫省論思近職輟甘泉之侍從臨吳會之藩宣政若神明民之父母以為理不可廢教所由具式嚴闕里之祠以勸互鄉之俗

得一風夜在公執掌從事方萌首建之意會天王降修講
堂之詔是邑也錢氏納土疆于聖朝聖朝振聲教于遐俗
太平興國中始識尊師之禮是時宰邑者撤城隍之神于
宅所塑先聖之像于其中庭戶喧卑几筵半落風雨不庇
兩楹之飛棟僅存藜蒿並興萬仞之蕭牆頃毀得一與案
案等謀復舊貫別新儒宮役公僕以輸材就鎮城而卜地
未克全繕尚多缺如邑人進士卜文舉服勤于茲黽勉不
怠率好事之同道出囊金以助成制剔圯塹模斬丹雘工
善其事人無告勞十旬之內厥功告成是役也上以遵明
天子之號令次以奉賢太守之教化下以移一邑之風俗
邑中之人有能自強不息觀寸陰而是兢事逸功倍期九
年而大成異時醇儒秀民蟬聯魚貫陞名鄉老預賢能之
薦書較藝春官擢將相之科級然後佐佑神化輔贊太平
寧不由明君新制賢侯異政賤子遵奉行之使然也具題
歲月于左
以示來者

元至元四年達嚕噶齊額森特穆爾重修

成化舊志

明洪武初知縣魏本初重建廟于縣治東

成化舊志

嘉靖通

志亦云明初知縣魏本初復徙此而萬歷府志則云洪武

三年知縣額實特穆爾建廟于縣治東故學基四年知縣

魏本初建齋舍闢射圃創庖廐縣丞韓修爵建明倫堂

江浙

志洪武九年知縣梁初撤舊齋爲諸生號舍別建兩齋並

教官廨宇十年知縣王原良十六年知縣史原遠相繼建

廟之兩廡及櫺星門戟門學之堂廡庖廐學校一新

嘉靖餘杭

縣記永樂五年知縣林源重建明倫堂本年教諭褚文亮訓

導卞經潘濂以射圃狹隘買民地學之東徙建焉景泰五

年縣丞於善重建櫺星門大成殿五間東西廡各六楹

嘉靖

餘杭縣志

天順三年知縣朱倫新廟學成化十四年僉事錢山

闢學門并拓基址宏治七年知縣冉繼志改建明倫堂正
德五年教諭林誠通建青雲樓十三年提學副使劉瑞重
修廟學巡按吳華重建尊經閣萬歷舊志嘉靖十三年修禮殿
兩廡戟門并俎豆諸器餘杭縣志嘉靖三十年教諭李鵬舉謀
于知縣周之冕遷于法喜寺基改爲今學萬歷三十三年
教諭王琪增修舊志其明倫堂并兩齋之未及修者縣令戴
日強捐俸鼎新易殿柱之蠹壞泮池悉甃以石餘杭縣志

徐一夔

餘杭縣修文廟記畧杭之餘杭縣肇置于秦至宋景德中
始建廟學規制卑隘紹興中以法喜院基改作之面勢稍
宏微時宋行都在杭廟祀絃誦爲畿邑之望涉元弗替如
初其後燬于兵火會聖朝更化首詔州縣興學知縣梁初
始作講誦之舍以居師弟子員至于廟宇僅作兩廡餘未
是也而梁以代去教諭王奎訓導宋義鄒濟會知縣王原

良縣丞邱子強繼至乃鳩材庀工作禮懃六楹崇三尋四尺廣視崇加三尋深視廣減六尺有奇宏深觀與以妥先師之神四配十哲以次就列而廟貌一新矣既而縣令丞以秩滿去至于明倫之堂習射之圃治膳之厨諸粟之庾以及祭祀之庖庫作而未完今知縣史原達縣丞蕭文溶主簿武士良實來凡未完者悉皆同心協力完之肇工于洪武十六年之正月十有五日至明年十一月三日而後訖工而凡學校所宜有者無一不具于是邑之典史楊得耆儒沈安宅來請文以記予乃爲之言曰古者論士于學士初入學則釋菜于先師無廟也漢或有學無廟唐或有廟無學而其士亦不盡出于學而近世之制有學必有廟于是乎論士焉且學之設所以聚人材而教育之固若無所資于廟然世必致隆于廟者道德之光輝不可得而親見矣必有神棲聖止之地以萃其景慕之心斯足以爲成德達材之助成周論士于學而士初入必釋菜于先師意蓋如此餘杭山水之邑其民亦多秀而知學昔者龜山楊先生以程門高弟唱鳴其學于東南而我紫陽朱文公實承道統之傳則先生啓之也先生蓋嘗宰邑于斯其流風善政猶有存者夫以秀而知學之民而生長于先生過化之地又幸而遭值國家崇儒重道之日所謂千載一時也

士寧有不自激勵而奮起者乎謹記 沈慶儒學泮橋記
畧古者學宮之制天子曰辟雍諸侯曰泮宮泮之言半也
象辟雍之半南通水而北塞焉禮制然也餘杭學宮嘗以
隘陋弗稱乃更營邑治東法喜院址體勢寬平高明亢爽
弦誦首善之地距今二百餘年殿宇廊廡累累經崇飾無以
加矣惟泮橋以木爲之歲久坍塌觀者悵然南郡李侯璜
來知縣事未欲勞民詢知義官吳君璵富而好禮檣星三
門之建石相柱檻亦嘗與有事焉于是設宴禮璵屬以鼎
新前事璵慨諾以石爲之捐金揮廩栗擇吉鳩工甃石爲
池鑿石爲梁廣舊規按程式工不告勞事遂克濟凡百材
料供給之費董作調度之勞一以已任至于經畫相度規
制廣狹侯實主之肇工于成化己丑之冬訖工于庚寅之
春橋旣成侯復命工斲石促文以記始末於戲世之巨家
富室遇有建浮屠創菴觀無不喜捨樂助以希福田利益
孰肯尚義泮宮以新一邑之偉制歟若璵者世亦
良不多得是宜侯之重之以勒其功于不朽也

國朝

順治三年訓導汪之涵修十四年訓導孫楚如重建明

倫堂

浙江通志

順治十八年重修

大清

一統志

康熙二十二年知

縣龔嶸重修

浙江通志

俞姓重修餘杭縣學宮記畧餘

明萬厯間星源程令廓其基而宏其制一時稱彬彬焉洎
今六七十年啓聖之祠尊經之閣鞠爲茂草而大成殿之
巋然存者鳥鼠之所剝蝕風雨之所飄搖亦僅支撐歲月
奉新宋侯甫下車行釋菜禮環視咨嗟者久之首自捐其
廉俸召鄉三老之諳練者邑子衿之端方耆鳩工庀材日
有稽月有會不以絲毫經胥吏手而邑縉紳士民亦先後
咸有飲助是役也經始順治辛丑孟春凡三閱月而工告
竣余是時方釋褐因學逮及假歸詆謁廟下始悉侯翊聖
之功作人之化爲文以紀盛事竊惟古先王之建學也使
詩書禮樂之澤旁皇周浹于人心而後兵刑自此消官致
自此立一道德而同風俗寧僅僅爲養育人文地哉今宋
侯之蒞餘邑慨然以興學明倫爲先務而邑之弄兵者戢
于野散法者空于園都人士之隸學宮者讀有舍而射有
圖居今之時從今之政以上印乎古聖賢之至教其明欽
大驗如日月之經中天而江河之行大地
者豈非所謂世有變而道終不變者哉

崇聖祠

在殿西南

舊志

明倫堂 在戟門東東西兩齋曰進德曰修業

舊志

按嘉靖縣志云宋爲齋四曰修辭進德立本固行元因之

國朝減爲二曰立本固行而萬歷府志載名不同當是嘉靖三十年移學後改

射圃 舊在學西明成化間徙學之東今在崇聖祠前

餘杭

縣志

教諭署 在學之西

舊志下同

訓導署 在廟之東

名宦祠 祀陳渾以下十一人

浙江通志

順治十八年知縣

宋士言重建

舊志

康熙二十二年知縣龔嶸重修

浙江通志下同

鄉賢祠

祀卜天與以下一十三人

臨安縣學

宋 在縣治東南宋建

大清一統志

初在縣西咸平三年建

後徙于縣城之南紹興十六年令王傳重建

咸淳志

寶祐二

年令王櫛重修景定三年令家之巽建師善堂

咸淳志孫覲重建

臨安縣學記三代之學尚矣自京師至于黨庠遂序皆有學自幼壯至于老自天子至于公卿大夫士皆不可一日而去于學養老勞農鄉射飲酒論獄受成獻饒之事一皆出于學而賢能之書考言選藝諸政又皆與于學當是時也王道大治人文化成士有常心家無殊政自朝廷之上以至四方萬里圭門側陋之隱君子宿道向方小人修慝從義武夫好德賤妾知命牛羊之牧不踐行葦有一不善如見怪焉固已不容于其間而弦誦之音洋洋然所謂比

屋可封者周道衰學校廢時君世主惟錢穀甲兵之間而
不及于俎豆于是謀人說客擊劍扛鼎雞鳴狗盜之徒皆
得以靡衣玉食館于上而王者之迹息矣間有豪傑特起
之士雖無文王猶興而卓然自立于一世者道雖不明乎
天下必明乎已道雖不行乎天下必行乎妻子孝弟者人
子事親之常道也卿大夫得一人焉以爲獨行而表其閭
忠義者人臣事君之大誼也太史氏得一人焉以爲奇節
而立于傳唐有陽城隱于中條山而遠近化其德爭訟者
不于有司而赴于門太宗以一旅定天下而房杜王魏之
勛獨出于王通之子弟嗟夫三代之王同四海于一堂之
上人人有士君子之行而世道衰微僅得一二于千萬人
之中可患也已臨安府臨安縣舊有學在今治所東南隅
自三舍罷廢再更方臘之亂掃地盡矣而縣以春秋釋菜
著于令蓋常改寓西郭佛舍之保錦院爲學帥其屬以祀
孔子紹興十四年詔天下州縣皆立學左朝請郎知縣事
王侯傳字慶長相其宮湫隘破露上無蓋障旁無師生之
廬不足以稱天子隆儒重道教養多士之意乃議從故地
少西屋而垣之一邑之豪欲進子弟于學者相與圖之恐
不及于是門閭靖深殿寢崇遠講藝之堂樓士之舍庖湔
庫庾皆具又命工更塑先聖先師之像與凡從祀者十人

巍冠盛服配坐侑坐凜然如生侯乃涓日齋戒屬邑民之
秀者陳牝幣三獻之禮禮成父老聚觀太息以爲未嘗有
也乃爲書抵故人孫某曰縣之新學成爲我記之臨安東
南一大縣在大山谷中桑麻絲枲之富自足而無貧民惟
侯好學知方不務出奇以立聲威而以教化禮義爲世標
表有古循吏之迹俗恬殺牛更數十令峻笞朴嚴賞捕莫
能禁侯至遂徙業人死則用浮屠法舉而燔之侯教以喪
死葬埋之制其俗大變及是舉詔修起學宮士民向化興
于行誼彬彬然比齊魯焉凡爲屋若干楹經始于詔下之
十二月而落成于明年九月之望余聞之士非懷居也而
環堵之不庇土非謀食也而藜藿之不充于以求道豈不
難哉故自一畝之宮進居廟堂論道之地自一簞之食起
從九鼎大烹之享皆上之所以養賢之具夫食焉而急其
事雖巧者不敢一日捨墁而嬉况承學之士蒙被教養之
澤而忽焉不省哉居相羣出相友錫磨考鍊以充
其材窮爲匹夫達爲公卿化天下無媿于中而已

明 元至正末燬于兵明洪武元年知縣袁思謙建殿廡
兩齋八年知縣賈鵬程建戟門櫺星門明倫堂闢射圃九

年知縣李宗本縣丞聶源相繼重修成化舊志洪熙元年主簿

張昇重建廟殿正統五年縣丞程原慶重建明倫堂浙江通志

景泰二年知縣李素縣丞蕭鳳陽重建櫺星門易以石柱

嘉靖臨安縣志天順間知縣唐子昌修葺宏治十二年知縣王翔

鳳重建大成殿正德中知縣王正宗修葺兩廡嘉靖十七

年令尹敏生修廟萬歷臨安縣志萬歷三十年學諭來遇龍建文

昌閣三十七年令黃鼎象重修廟廡及啓聖等祠萬歷臨安縣志

徐一夔記畧臨安縣舊有學肇建于宋咸平初在縣之南寶佑中知縣王楠嘗改作之至正末兵燹燬之臨安府志地在溪山間內附初爲縣者加意徵輸事未遑建廟學其作禮殿作兩廡塑聖人像作齋廬居師弟者知縣袁思謙也其作禮門作櫺星門作明倫堂堂附以齋廬以備師弟子會講之所者知縣賈鵬程也至于戶牖棖臬棟宇榱

彤階陛甍甍徑衢之闢庖湏之盟則皆縣丞聶源爲之今
知縣李宗本至旣喜其成顧瞻有弗如式撤而易之于是
茲邑廟學遂爲九邑之冠矣今嘗考之自州縣有學爲師
弟子講肄之地而學必有廟以祀先聖先師禮也蓋古者
士初入學與學官四時之祭必釋菜釋奠以爲禮其事不
可涸也歐陽子曰釋有樂無尸禮之畧也釋菜則并樂去
之又其畧者也夫造其庭讀其書誦其詩不思其所自而
修敬焉禮無是也而況禮之至畧者乎臨安令佐前規後
隨于廟與學兼致其力其知此者矣袁煒重建先師廟
記臨安爲古杭屬邑作天目山之麓龍翔鳳翥故饒佳山
麗水學宮當邑治之南面石鏡以爲屏端拱峻起環帶錦
溪澄澈如練蔚扶輿之采以掩映其文明瀟灑粹之靈以
疏淪其渣滓是故科目之士協鐘清淑率敷歷要津爲美
官而助猷亦爛然可覩焉顧閱歲已久規制漸墮先師廟
日以傾圯吏茲土者往往攫情于民事睨焉欲輯而未能
嘉靖戊戌尹侯敏生以名進士來蒞是邦甫下車卽軫念
于崇教化俗之務謁先師禮竣周視廟宇喟然歎曰夫黌
教所以隆聖道而藝國材也鞠焉殘燬咎將誰歸然而初
政新敷民未治治遽爾興作似惑觀聽于焉樹風陳憲節
以俗民徐徐乎更化善治之圖逾年政通人和乃屬士民

而諗之曰吾與若居有寧宇而聖人之廟不足以安神而安之乎吾將爲爾光復之以宣昭軌物而若之何衆曰士民翹俟茲舉久矣願吾父母明作以潤色臨安也時學政李君陽佐政蒲君瀚皆沉毅有斷相與策翼而贊決焉遂請于按臺傅公出官幣餘羨可以給分務者若干仞基揣用鳩工飭材經始于己亥季春落成于秋孟蓋民若不知侯之興是役而侯已忘乎己之未始役乎民也廟凡若干楹木石礲密丹雘嶙峋載錫吾道之光而邑之偉觀煥然矣于是士忭于庠民歡于市李蒲二君樂觀厥成謀登之石以垂不朽于是遠使幣屬載筆于煒煒慈溪人也伊侯慈之舊令也侯令吾慈僅三月而德施政化迨今謳思茲令臨安而政首學宮侯其緣學以立政者乎夫學者覺也覺者吾心本然之良知也根爲精一體爲懿行播爲經綸是故君子致吾良知則靈昭明覺色色呈露而井田學校禮樂文章胥此以行變化矣侯以孔孟正傳蚤擢制科而蘇湖經義之教溥沃有年其于致良知之學已得其真宜其賁于政藻飾庠宮潛孚俊彥以華生于上國之人文也

國朝

順治間知縣戴昇祚康熙九年教諭孫震先後重修

浙舊

江通志 康熙三十一年令郭景會修明倫堂五十八年令張

淑郿教諭謝嗣輝訓導胡德裕等與闔邑紳衿協力重建

文廟兩廡戟門櫺星門明倫堂名宦鄉賢二祠兩廡左右

各增副室四間築宮牆建大成坊聖域賢關六十一年張

淑郿修文昌閣雍正二年張淑郿修崇聖祠

臨安縣志

啓聖祠 在廟左

學冊下同

明倫堂 在廟後

齋舍 一曰進德二曰修業在堂左右

臨安縣志下同

尊經閣在儒學門前

射圃 在廟外

教諭署

在櫺星門西

舊志下同

訓導署

在櫺星門外

名宦祠

在戟門右

舊志

祀陳師錫以下九人嘉靖間知縣

廖瑜闢學前路建名宦鄉賢二祠

浙江通志

康熙五十八年令

張淑郡重建

臨安縣志

鄉賢祠

在戟門左

舊志

祠吳喜以下九人

浙江通志

於潛縣學

宋 舊學在縣南二里崇寧間遷縣北攀龍坊紹興丙寅

令何份重修嘉泰甲子令胡衛建藏書閣寶慶初方熙重

建咸淳五年令李仲熊重修

咸淳縣志

邑人侍郎趙景緯捐私

帑重建令李仲熊贊成之嘉靖於潛縣志德祐間令趙時祝重修

舊志

元至元間主簿趙霖重建明倫堂二十九年江浙行省

叅知政事董搏霄修成化舊志至正十二年趙霖重建更名藏

書閣曰橫經閣嘉靖於潛縣志

明洪武二年知縣梁誠重建於縣西叢桂坊十年縣丞

趙義病其隘遷于攀龍坊之右宏治十六年知縣嵇綱重

建萬歷舊志嘉靖十二年奉制立明經論治習禮聽樂四堂計

一十六間嘉靖於潛縣志十五年敎諭陳鐸請于提舉僉事徐階

復遷攀龍坊故址萬歷舊志嘉靖二十六年署知縣事衛經歷

濮倣建青雲樓爲外門

浙江通志

嘉靖二十七年教諭夏汝礪

徙樓于堂北名尊經閣

於潛縣志

萬歷四十一年御史李邦華

遷于金鵝山綠筠軒下天啓間裁西齋崇正間知縣余性

和遷啓聖祠于西齋故址

舊志

汪心遷建於潛縣學記

泮宮復闕宮橋之樂章存之爲經者重之也於潛古名邑在宋人才獨盛咸淳初一榜至累十人自國朝永樂二十有一年已未科日就衰歇術家咸歸咎儒學在邑西北者舊爲邑之攀龍坊嗣後轉遷因迷失地利故老往往抱歎以沒及嘉靖壬辰歲闕陳先生鐸來掌教事生徒僅三十人先生大懼弗稱躬自泮礪倡率之左提右挈不遺餘力自是駸駸向進歲丙申學宮以壞告當道檄所司規措爲費且千金先生乘是語人人日葺頽補敝費出將復不免孰與改構舊處爲一舉兩得乎碩盛何張謝潘阮許程黃俞金王趙諸大家亟願藉名分任其役餘各視其力自占先生首以之白于督學按察僉事徐公階公雅意相向力主是議適知縣朱侯侃擢去駱侯孟知繼至語以克合

聞斯行之是歲閏十二月丙寅卽舊處加拓之並力偕作
大成殿東西廡戟門櫺星門泮池明倫堂日新齋時習齋
啓聖宮祠名宦祠鄉賢祠御製敬一箴碑亭以及廚庫次
第之類同口以集事焉潘生瑞何生華盛生鉉趙生一貫
輩佐司出納惟允耆民許鐸氏經營之力居多越明年丁
酉駱侯告殂事幾寢其年秋先生行與計偕乃造督學按
察副使陳公儒度支其學之餽廩羨餘得請復得巡按監
察御史周公汝賢以畀知州府知事李君漢來董治之李
檀才幹且能責成于許鐸氏期月果就緒他若墉柵坊衢
之內外周備享祀程試之什器儲峙則今知縣陳侯思順
終之有不待上之人使之然者夫以是役也撤藩籬施堅
茨有成厥虧罔有怨咨以至貨泉粟米力役之有取以錙
銖積以歲時非藉諸臺諫之審于招麾羣有司之勤于維
持與夫士民之樂于奔趨賢輩之篤于猷爲吾知道旁之
舍以沮以疑顧首事者使非幸于得師亦奚足以取信于
疇昔而成謀于今茲哉此先生之爲功也先生礱石標好
義者詔將來至其嘗自捐廩俸片若干石卒泯于無聞戊
戌之冬心得拜官從先生後始覈其詳再踰年爲歲庚子
先生以知南漳事擢去咸謂茲邑開風化之原復土宇之
舊事兼魯僭而力則較之爲難心也與有斯文之責宜爲

之記按志碑刻儒學遷徙之說不一而風水吾儒所不屑道諦觀周公之造新邑相宅卜洛敬命殷禮未或不鄭重其事蓋古人養才養老鄉射鄉飲受成獻功一惟學校焉是任邑之爲務實莫先此於潛今日人才視昔已三倍其數雖由此而科第不異矣然而論者不以宋科目之盛爲足以重於潛而以洪忠文公咨蘓趙文安公景緯人品之高爲足以重科目故科目得人如龍如虎至于名榜否則雖有如無又何誇一時榮一鄉之爲足恃耶

國朝

康熙二年教諭屠壽徵重建明倫堂八年署縣事林增

高九年知縣趙之珩移學基右

舊浙江通志

乾隆三十三年知

縣張奕教諭張長墀訓導張義年捐俸增修

學冊錢維城於潛縣重

修學記古之學重道德今之學重科名重道德者薄文辭重科名者攻舉業二者若背馳然非也文不足以載道不足以爲文道不足爲世用不可以爲道鄉舉里選成周用以取士然行之後世弊且甚于科目糊名易書法密而弊不止然名公卿亦出其間是則取之法不必同而教之法三代至今不可易也今之縣學卽古鄉學今之太學卽古

國學是在端其所以教者耳

朝廷取士之法廣矣有鄉科有會科有博學鴻詞科
天子巡幸所在有詞賦科學臣有選拔科鄉會期三年鴻博詞

賦無定年選拔期六年今更定十二年鄉會以省定額鴻
博無定省無定額詞賦有定省無定額而選拔一人寧缺
無濫夫寬其期以養之因其地以甄之而患無真才患有
遺才吾不信也鄉會糊名易書鴻博詞賦糊名不易書選
拔不糊名易書鄉會詞賦取文藝鴻博由大臣薦

天子親策之選拔由教職令就高等弟子行優者開上郡郡守
核實開上學臣學臣試之縣不數人或十數人拔其一以

貢太學故科名莫艷于鴻博選拔雖未及鄉會而取之之
法加詳夫學校縣府甄其文行而後試之此亦鄉舉里選
之意也待以三代之士試以古聖賢之文寬去今時之法
士之與斯選者宜何如哉卽士之不與斯選者宜何如哉
於潛爲杭郡屬邑處萬山之中士風樸率不與郡同百餘
年來科名絕少張子義年余選拔士也爲邑訓導見學宮
傾圯茂草攸宅與知縣張君奕教諭張君長墀捐俸倡新
之邑紳士踴躍恐後自殿宇門廡崇聖名宦鄉賢祠次第
舉別建文昌閣于前役始于乾隆三十三年戊子春訖庚
寅冬告成張子寓書于余屬爲文以記歲月余惟今之仕

宦大都苟安無事而已其令僻小邑則益自頽放有志者習勤敏博遷調非有休戚相關于邑士民者也而教職大都貧且老圖便安耳教諭張君舊所識與張子皆少年力學士知縣張君雖未謀面然能憫士風之不振科名之寥落毅然以鼎新學舍爲己任其去俗吏之所爲萬萬也黃子濂元余於潛所拔士以辛卯成進士入詞林適當學舍告成之明年誰謂爲之而無其效哉顧惟克副乎科名之實而不徒以其文則務端其所以教者以繼起將來之盛是則二三君子之責也夫

崇聖祠

在櫺星門西

舊志下同

明倫堂

在櫺星門東

齋舍

一曰日新一曰時習在堂左右

尊經閣

在堂後

射圃

在學西

浙江通志

教諭署

在戟門東

舊志下同

訓導署

在教諭署前

名宦祠

祀刁濤以下七人嘉靖二十八年按察司僉事

謝體升移名宦鄉賢二祠于廢學基

浙江通志今在戟門西

下同

鄉賢祠

在戟門西祀章成緬以下六人

新城縣學

唐

長壽中置在縣東三十步

咸淳志

宋

紹興中陸演重建

咸化舊志

乾道四年重修徙學門西面

嶠峰

咸淳志

乾道中令耿秉紹熙五年令劉景修重建慶元

六年令唐大本增置學田端平間主簿謝寢生又加繕治

萬歷舊志

孫清新城縣重建學記宋有天下垂三百年

祖宗以德澤涵養海內聖子神孫繼體續志莫不以教學
為先神宗首建三舍之法頒之太學逮崇寧中徵考臨御
惟廣茲選行于四方爰諮郡國大興費舍弦誦之聲于是
徧寰宇矣東安舊有學制度畧具而規模狹隘不足以容
衆欲闢而大之矣中更多事一切苟簡舊令君乃易為
縣治士子慨歎而未遑也主上中興以英武之姿承戡定
之功講好息兵爰安宗社崇儒右文期底至治復建太學
以闡化原又因邇臣之請申飭有司仍修郡邑之學專務
以德化民欲追古昔嗚呼休哉諸生鼓舞皆曰不意今日
復見太平也為守令者承宣睿旨惟恐不及而吾鄉縣寮
適一時俊秀悉以虔奉教條為急邑宰會稽陸公一日率
其屬而謀之以為學校不修吾黨之咎乃共論豪右而敦
勸之衆皆樂從咸願奮力遂涓吉日鳩工度材謀畫既畢
浮言互動當道既疑乃徙公海昌以監徵檄方下公趣裝
以行了無愠色士民爭挽赴懇有司遽道不得前者數日
已而郡將知其非罪俾還舊政及公之再來而學已成矣
蓋紹興乙丑仲冬也徙門于前撤殿于中敞屋于後長廊

相屬直舍相倚齋廚環列庖廩有所井甕有方輪奐之美
比舊增廣而莊麗過之皆公之所素定者也邑人欣艶交
和勸勉事務勸學而公與寮屬時入掄察延見諸生復謂
之曰今學已成祭器未備鄉飲未行無乃爲逸典乎因考
禮文定簠簋方圓之象推遵豆奇耦之數若蠡洗樽俎解
爲巾羅之具悉爲剝置陳之廟庭班班可數春秋二祀足
以成禮旁近諸邑所未有也謝巖生繕新城縣學記學
在萬山中跨城南出峯立于前且百丈有環奇無對高視
一世意陸公演耿公秉皆賢尹也建置潤澤無餘蘊矣然
右迫佛廬簷溜沮洳易壞山水之清不能爲靈劉君景修
雖修之不久也余爬搔簿書不自聊能諱庠序興禮樂哉
雖然賢令尹遺事也其取情弗治夫子殷有禘星門禮也
舊改而西欲什矣爲三門而還之學門舊由櫺星門而左
學穿廟門非禮也爲別門而西之從祀位列像廊壁而存
者惟二爲改祀位而廣焉品其序爵而象焉王安石鑿經
禍國猶班從祀可乎位有像而衣無章示當黜而未黜也
四先生祠濂溪明道伊川晦菴也漢唐經生猶登祀位四
公挺出道接洙泗而不班焉可乎爲之祠以次羣祀示當
陞而未陞也三賢祠故唐大都督許公達吳越太師杜公
稜給事羅公隱也節義名德著于鄉閭沒祀于學禮也許

公睢陽之節杜公松陽之守邑有廟而學無廟故表而祠之羅以詩聞亦并及焉四齋執事位舊在廟南兩廡間悉改而北則前殿後學地別而廟尊禮也書籍庫書幾數本帙散卷失更爲市而藏焉又自以其書入焉祭器庫器蠹且欠編竹爲鐫蠹可完者完焉欠宜補者補焉若夫疏漬易撓增垣益斃他所纖悉者昔無今有者不暇載也凡錢以貲計者二千一百米以石計者三十九旣成合鄉之耆俊釋菜而告成焉退行鄉飲酒禮于堂政不言教久矣吏惟治賦里不讀法借鋤而德色取箕而詬語自秦以來不問也余以爲降衷秉彝各有常性其冥昧而不著者不過如大醉熟睡不得醒耳一人喚之不醒又一人喚之醒矣謂世降俗訛喚之而不醒者誣人也謂風移化改一喚而遽醒者自誣也東安百年夫豈一令皆陸與耿也民有不醒乎不皆陸與耿也則乍醒乍醉乍覺乍寢人存政舉人遠政微何但一邑然也矧已不能自醒而欲醒物吾不暇自覺而務覺人是反鑑之照離形難與言化矣故余之于斯邑也醒之屢而覺之勤矣猶懼已未能自醒而自覺也又以俟後之君子

元至元間尹張德達重修

嘉靖新城縣志

明 洪武三年知縣徐弼重建知縣李可立繼成之

嘉靖新城

縣志 正統十一年知縣張杲教諭陳光重建明倫堂景泰元

年張杲重建戟門廟廡櫺星門泮池石梁神廚宰牲所宏

治五年知縣林著重建明倫堂嘉靖二年教諭陳希登新

之邑民助建櫺星門戟門書庫祭器庫

萬歷舊志

嘉靖五年邑

民助建東西廡儒學門十七年訓導唐堯儒請于巡按周

汝員重遷廟學于多福院故地

舊新城縣志

四十四年郡守毛

綱通判薛璠知縣廖詔增修

浙江通志

崇正五年知縣吳徵芳

遷于縣治東北黃山下殿廡堂齋祠閣戟門一遵舊制

舊志

何塘修新城縣文廟記 文廟久不修且壞有司累議修理輒工費重大不果正德庚辰閩鄉進士陳希登來署學

教諭事謁廟之餘顧瞻咨嗟迺申請于當道亦以工費重大不果久而廟益大壞無障蔽希登廼謀于同寅及鄉大夫之賢者僉謂庠生徐均父徐旭富而尚義希登廼具禮幣偕僚友造其居旭慨然許諾遂旭工措林以梁柱用木不久卽朽皆易以石撤舊毀而新之始事于嘉靖二年十一月甲申落成于明年二月丁酉時櫺星門戟門書庫祭器庫三賢祠亦將頽壞民人童珠請修戟門三賢祠祝昇請修櫺星門次第落成希登乃徵文以紀成績予惟吾夫子明人倫之道以覺天下後世報功報德誰無是心故文廟之修希登一有倡導徐旭卽響應于前童珠祝昇繼踵于後天理之在人心蓋彰彰乎不可泯矣然人倫之道根于天命之性而見于日用之常孔子盡之而聖七十子修之而賢凡六經四書之所發明者皆是物也諸士子進謁聖賢于廟退而誦六經四書之文其亦尚念及于此否乎念念以明人倫爲務修于身行于家化于鄉黨他日得位則以之施于邦國天下使人指而目之曰此新城之士也能力行聖賢之道者也非吾黨一盛事哉吳鼎遷新城縣學記新城爲杭下邑洪武十年建儒學于縣治東偏地隘堂序不足周旋士無茲誦之舍前臨大壑岸善崩數請調發築障無已蓋百六十年于此矣嘉靖十有七年春訓

導唐堯儒以諸生言白于侍御吉水周公曰不佞二三小子愛宅于茲不能胥誨以有聞也唯歲縻縣官庸錢與水爭尺寸地兢兢日虞顛覆且不暇矧日克明先王之道應聖世之求乎邑中有應毀淫祠日多福院其地高塏正方以學較之僅五之一苟捐數載防壑之費去此遷彼去我以德兆嘉績于敝邑竊不勝大願周公如諸生言亟下諸縣當是時縣之長吏或沮以浮言未有以處也訓導乃會邑中諸父老告之故諸父老曰吾有子弟教之而不爲之所敢煩有司請相與經營分役蓋厘厘草創其儀而已未幾教諭會廷梅至相與嗟惋宮牆之素蕪而禮樂難興也以白于侍御應山傅公公方誠郡縣毋輒營作煩民聞是則太息曰嗟乎學校者風教之所關也今吏旣無師帥于下乃不究宣上之令圖使諸儒抱遺經託處草莽甚不稱朝廷崇化勵賢之意爾經歷朱淵其往相度凡百役經費務終厥功經歷奉令唯謹乃嚮故學地及縣官棄地取其直益以贖刑之金以備經費會聶滿山瑩爲令聶固宿儒始至遽以學事爲已任于是治下驩然戮力有成績矣故者節闕者興卽浮屠故宮以祠先師先賢中爲四楹東序八楹西序八楹前重門門之南鑿泮池宮左明倫堂四楹東西齋如之前儀門後爲講堂堂之後尊經閣亦皆四楹

其東西隅爲啟聖祠又東敬一亭亭之南爲射圃亭旁列
諸生房凡三十號前豎廩庾官師異館庖廩潔清下至吏
廨垣屋率如儀是役也訓導實倡厥始而聶令克成厥終
焉十八年冬十一月落成徵記于余余嘗讀春秋築作臺
觀必謹書之凡以重民力也而魯僖作雉宮無譏焉厥有
旨哉王者建國君民教學爲先役雖勞而不可已者此類
是也今臺蔡公持斧奉使務與民休息而獨喟然興學風
勸于四方可謂通經術明大義善觀人文者哉濟濟多士
藏修息游于斯自是以往彬彬文學顯矣雖然古之設學
期以化民今之設學視爲彌文豈獨壤地有利不利哉諸
儒當奠厥攸居之初棄乃舊習惟新厥德爭自濯磨勵精
聖門久之學誠移風易俗之一時也不然大夫師長相
與勤教之意荒矣方廉記畧新城學宮建于縣治東南
久矣近遷城北嘉靖乙丑歲學博何君克念江君選潘君
斗暨庠士羅生泮凌生寰吳生一鰲徐生灌潘生璩白于
督學寧國屠公議復其舊時公帑匱乏民力告竭有司難
其役予謂是舉誠改作之不容已者偕諸士子聞于邑之
士大夫及民之好義者幸皆同心括所費得十之六七適
府判江陰薛公璠來署縣篆加意勸率謀于郡守荀州毛
公以助不給邑令泰和廖君詔繼至政先學校經營諸費

舉邑民陳濠董其事悉心區畫費半功倍若文廟則因舊增飾兩廡戟門名宦鄉賢祠宰牲所明倫堂儀門皆鼎建檼星儒學門兩齋則移舊餘次第修舉如式云

國朝 康熙八年訓導盧懋蘊建繪雲亭三十二年教諭毛士

儀四十五年知縣陳騰章五十六年知縣黎陳錫教諭吳

光庭訓導陸廷樞雍正六年知縣羅熿教諭沈堂訓導徐

綸揆相繼重修羅熿改建文昌閣九年沈堂別建新閣祀

文昌而以舊閣爲尊經閣

浙江通志 李清植新城學尊經閣記畧學之有尊經閣所以

儲六籍資講肄也而

御製聖訓及

欽頒御纂諸書咸敬謹藏奉以時宣講俾諸生服習于此爲典

甚鉅新城縣學明倫堂後舊有閣祀文昌之神而尊經閣獨闕焉雍正七年教諭沈堂既修學宮復創一閣于學之東偏移祀文昌而以舊文昌閣爲尊經閣倚山橫阜聳然

傑峙于霄漢之上使
聖人之言昭然如日星之麗天所以尊之者至矣役成予爲記

崇聖祠

在廟左

舊志下同

明倫堂

在廟前

齋舍

一日進德一日修業在堂東西

講堂

在堂後

魁星閣

在廟前乾隆三十五年邑人洪青選建

射圃

在敬一亭東南

教諭署

在明倫堂左

訓導署

在櫺星門右

舊志

衙署大堂袁昌裔建後樓鍾高

建姚繼祖重修

學冊

名宦祠

祀耿秉劉秉二人

浙江通志

在戟門左

舊志

鄉賢祠

祀許遠以下四人

浙江通志

在戟門右

舊志

昌化縣學

宋 在縣治東宋淳熙中建

大清一統志

先聖廟在縣東一百步熙寧中建自是至淳熙凡六遷

咸淳志

元

祐中遷廟于鼓樓外又遷于尉廨西紹興中遷于南門內

乾道八年復遷熙寧舊址

咸化舊志

乾道八年令卞園始增廣

畧具學制淳熙七年令錢孜改卜故饒氏園重建廟學

咸淳志

志 陳居仁重建昌化縣廟學記杭為古都會自六蜚時

巡日行在肇新府名其地望為尤重昌化蓋支邑施德自

近始宜其教明俗成俊秀輩出衣冠相望然僻在巖谷間

其俗第知服勤穡事且盡力于桑麻自唐武德逮于我朝

曾未有躡儒科登仕籍者豈天之降才爾殊哉翳長民者
之責也夫兵食可去而信不可去餽羊非所愛而禮所必
愛教之本如學校可置而不省耶淳熙四禩錢君被命宰
斯邑始至詣學謁先聖敗屋數楹莫蔽風雨像設且浸以
頽剝其心惕焉顧以民未見孚役未易興姑舍是乃洗手
奉職清省獄訟搏理財用期年而政克有成民安樂而鼓
舞之君忻然顧謂僚佐曰吾始至是邑見民之務本力田
是知常產常心之爲可貴雖未讀書而可驅而之善吾之
政不少事嚴察而服從勸趨捷于影響吾惟學是崇則風
移俗變可跂而待幸帑有餘財不至屈吾民力顧何憚而
不爲乃以暇時鳩材僦功撤舊屋而一新之經始于己亥
仲夏落成于仲冬民不知役役不淹時展敞有殿駕設有
堂肄業有齋藏書有庫司膳有庖百里雅蠹爭快先睹更
相與言曰今君所以惠顧我者厚矣旣足我以衣食又教
我以孝弟其可不圖惟所報者哉由是口誦先聖之書耳
濡目染先聖之教長長切切趨善如不及錡箒無省而訟
庭爲空教化之移人如是哉噫十步有茂草三人有我師
孰謂近在畿甸而儒服者無幾焉是不以遠且大者望之
也今錢君燭照是理壺著以決課以近效則訟簡刑清風
流令行異時髦俊翬興超取顯美有聞天朝而文物彬彬

然如鄒魯未瞻有孚矣然則我育子弟錢君教之邑人之歌令君如鄭人之歌國僑者將亘千禩其不泯余嘉其爲政之知所本不區區微舉于一時知非俗吏之所能爲者乃特書以語後之人君名孜嘉禾人也

元至元庚寅燬惟藏書閣存延祐中達魯花赤義德寧

國禮更名尊經閣至正末燬于兵

成化舊志

明洪武初知縣李質王剛中相繼重建

舊浙江通志

十年知

縣李垣拓地重建廟殿并新門廡齋舍

萬歷舊志

宏治改元督

學鄭公紀臨視明倫堂見其湫隘就圯謂宜拓而新之擇

邑彥戴信綜其任正德辛巳令黃昇修葺擇耆民戴鏞董

其役

嘉靖昌化縣志

嘉靖十六年知縣方鉉請于提學副使陳儒

復新之

萬歷舊志

二十三年知縣涂勲重建四十一年署縣事

臨安縣丞李朝陽教諭王珣改建明倫堂四十四年教諭

李奎祥建尊經閣并葺堂舍

萬歷昌化縣志

隆慶五年知縣周易

重修萬歷十七年知縣周洛都重修三十八年國子生陳

灼重建廟學

浙江通志

崇正八年署知縣事張九一又重建明

倫堂

昌化縣志

高時重新儒學記畧東洋方公來尹之明年謀諸教諭南溪張公及士戴子并許子南科徐

子楫戴子甫許子應元卜吉而咨工焉蓋不徒爲修葺而增益其未備其儒學故有門二皆偏陋則量地以充斥之故有櫺星門然委隘則更大之兩門外因地理之宜而鑿之池淵渚蓄潤而風雲映會誠于泮池之外大有助焉又南爲垣其高數尺又東爲牌門以裨左之不足巨細周密如此類年而工就煥然爲盛世之大觀

國朝

順治八年知縣李之賁重整廟殿康熙十一年知縣焦

桐周頌孫相繼修葺牆垣計二百八十堵二十三年知

縣謝廷璣建尊經閣五十一年知縣趙鴻猷重修五十三
年諸生鄭龍舉等修明倫堂乾隆九年知縣甘文蔚設金
聲玉振江漢秋陽二門改建儒學門十三年署令王元音

又加修理

昌化縣志

魏堦重修昌化縣學廟記畧昌化

地僻山阻居乏顯要之薦紳行鮮赫奕之車騎
力作競奮絃歌時聞所恃廟貌聲靈聳動心目乃自改向
失利淹滯科名兵燹乘之漸付荆棘一方之人心昧乎士
一方之士心昧乎學學宮似此他可知矣前之令昌及司
教于昌者曾以改建之議上請又長慮却顧懼難終役人
遷事已子蒞茲方新會學博士單傳兩公決計學事予謂
可恃以終始遂捐金冠簿會督學使者張頒發教條首重
修學傳公家諭戶曉而鄉之紳衿如帥鄭胡程等皆相率
爭輸恐後其他亦鼓舞踴躍相助有成自客春之季以抵
于今役工萬人計費千億制之所有固增美加麗矣卽
尊經閣及齋堂等所舊制之所遺亦陸續修舉先事者僅
啓其端同事者又遷別緒匪傳公之篤任而
予任傳公之專且壹也幾何聿觀厥成矣

崇聖祠

在廟左

昌化縣志

明倫堂

在學後

齋舍

一曰居仁一曰由義在堂東西

舊志

尊經閣

在堂之東

昌化縣志

射圃

在學西

教諭署

在尊經閣後

舊志下同

訓導署

在尊經閣左

名宦祠

祀趙希以下十七人

浙江通志

在尊經閣前

舊志

鄉賢祠

祀陳斗龍以下五人

浙江通志

在尊經閣前

舊志

書院

附

敷文書院 在仁和縣萬松嶺上舊名萬松書院明宏治

十一年參政周木因故報恩寺址建

大清一統志

周木改建

萬松書院查取衢州先聖五十八代孫孔績來供祠事院
以上有芙蓉巖可汲亭石匣泉稍西有水雲亭振衣亭中
有飛躍軒西有留月臺東有掬湖臺中有敏秀閣稍西有
如圭峯明道堂右有居仁齋左有由義齋中爲大成殿戟
門仰聖門左有曾唯亭右有顏樂亭外有萬松書院石坊
東西有德侔天地道貫古今二石坊嘉靖乙酉增修洪鐘
撰記

嘉靖仁
和縣志

嘉靖三十三年杭州知府孫孟重建明道堂

翼以居仁由義二齋萬歷五年巡鹽御史馬應夢卽毓秀

閣北建繼道堂翼以窮理居敬二齋祀周程張朱五先生

提學副使勝伯輪爲記八年毀各書院巡按御史謝師啓

提學僉事喬因阜謂萬松書院祀先聖不當毀具疏得存

仁和縣志 王守仁增修萬松嶺書院記萬松書院在浙
省南門外當湖山之間宏治初叅政周君近仁因廢寺之
址而改爲之廟貌規制畧如學宮延孔氏之裔以奉祀事
近年以來有司相繼葺理地益以勝然亦止爲遊觀之所
而講誦之所未備也嘉靖乙酉侍御潘君景哲奉命來巡
憲度不肅文風聿新旣簡鄉闈收十一郡之賢而上之南
宮矣又以遺才之不能盡取爲憾思有以大成之乃增修
書院益廣樓居齋舍爲三十有六楹具其器用置膳田若
千頃揭朱子白鹿之規掄彥選俊肄習其間以倡列郡之
士而屬之提學僉事萬君汝信汝信曰是固潮之責也已
藩臬諸君咸贊厥成知府陳力推官陳篋輩相協經理知
事嚴綱董其役閱月踰旬工訖事舉乃來請言以記其事
惟我明自國都以至郡邑咸建廟學羣士之秀專官任職
而教育之其于學校之制可謂詳且備矣而名區勝地往

往復有書院之記何哉凡以匡翼夫學校之所不逮也夫
三代之學皆所以明人倫今之學宮咸以明倫名堂則其
所以立學者固未嘗非三代之意也然自科舉之業盛士
皆馳騁于記誦詞章而功利得喪分惑其志于是師之所
教弟子之所學者遂不復知有明倫之意矣懷世道之憂
者思挽而復之卒亦未知所以措其力譬之兵事當玩弛
偷惰之餘則必選將閱伍更其號令旌旗懸非格之賞以
倡勇敢然後士氣可得而振也今書院之設固亦此類也
歟士之來集于此者其必相與思之日既進我于學校矣
而復優我于是何爲乎寧獨以精吾之舉業而已乎則學
校之中未嘗不可以精吾之業而進取之心自吾所汲汲
非有待于上之人又從而趨之也是必有進于是者矣是
固期我于古聖賢之學也聖賢之學明倫而已堯舜之相
授受曰道心惟微人心惟危惟精惟一允執厥中斯明倫
之學矣道心也者率性之謂也人心則僞矣不雜于人僞
率是道心而發之于用也以言其情則爲喜怒哀樂中節
之和以言其事則爲三千三百經曲之禮以言其倫則爲
父子之親君臣之義夫婦之別長幼之序朋友之信而三
才之道盡此矣舜使契爲司徒以教天下者教之以此也
是固天下古今聖愚之所同具其或昧焉者物欲蔽之非

其中之有所不備而假求之于外也者是固所謂不慮而知其良知也不學而能其良能也孩提之童無不知愛其親者也孔子之聖則曰所求乎子以事父未能也是明倫之學雖孩提之童亦無不能而及其至也雖聖人有所不能盡也人倫明于上小民親于下家齊國治而天下平矣是知明倫之外無學矣外此而學者謂之異端非此而論者謂之邪說假此而行者謂之霸術飾說而言者謂之支辭背此而馳者謂之功利之徒亂世之政雖今之舉業必自此而精之而後不愧于敷奏明試雖今之仕進必由此而施之而後無忝于行義達道斯固國家建學之初意諸君子緝書院以興多士之盛心也改爲多士誦之

國朝康熙九年巡撫范承謨重建改爲太和書院

舊浙江通志

五十

五年巡撫徐元夢重修奉

聖祖仁皇帝御書浙水敷文扁額懸于中堂

頒賜古文淵鑒淵鑒類函周易折中朱子全書藏于院內鹽驛

道黃炳捐置學田康熙五十七年巡撫朱軾復捐益贖產
雍正四年巡撫李衛重修十一年欽奉

世宗憲皇帝上諭各省學校之外地方大吏每有設立書院聚集
生徒講誦肄業者朕臨御以來時時以教育人材爲念但稔聞
書院之設實有裨益者少而浮慕虛名者多是以未曾飭令各
省通行蓋欲徐徐有待而後頒降諭旨也近見各省大吏漸知
崇尚實政不事沽名邀譽之爲而讀書應舉之人亦頗能屏去
浮囂之習則建立書院擇一省文行兼優之士讀書其中使之
朝夕講誦整躬飭行有所成就俾遠近士子觀感奮發亦興賢
育才之一道也督撫駐劄之所爲省會之地著該督撫商酌舉

行各賜帑金一千兩將來士子羣聚讀書須預爲籌畫資其膏火以垂永久其不足者在于存公銀內支用封疆大吏等並有化導士子之職各宜殫心奉行黜浮崇實以儲國家菁莪棧樸之選如此則書院之設有裨益于士習文風而無流弊乃朕之所厚望也特諭欽此浙江督臣程元章遵卽酌議生息增置田

畝以爲永遠膏火

浙江通志

乾隆十六年

聖駕南巡臨幸敷文書院

御題七言一律二十二年

御題敷文書院五言六韻二十七年

御製疊舊作六韻并

御題講堂屏聯三十年

御題正誼堂屏聯再疊詩六韻四十五年四十九年俱有

御製疊韻詩

南巡盛典

崇文書院

在錢塘棲霞嶺之陽明萬歷中建

大清一統志

明萬歷間巡鹽御史葉永盛視鹺之餘集內商子弟于西湖之跨虹橋西授以題命各舫中屬文舫皆散去少焉盡角一聲羣舫畢集各以文進面定甲乙名曰舫課去官後商士思之就其地建書院奉朱子而祠永盛于後寢春秋饗祀焉

國朝康熙四十四年

聖祖仁皇帝南巡

御題正學闡教四字為額爰鼎新之榜曰崇文雍正十一年鹽道

張若震重修

兩浙鹽法志

乾隆二十四年鹽道原裱戴于崇文

紫陽兩書院設膏火嚴課程遴委監院自是甲科稱盛商

士頂祝建碑崇祀與高葉二公相鼎峙云

書院記 姚之

聖天子

在上特于省會書院大沛殊恩良以書院之建學校之

助也然非官斯土者以教育人材是亟為之振興則其事

亦難永久而不敝西湖故有書院名崇文為新安人士肄

業之所直指葉公雅有造士之德因創斯地以尸祝之堂

皇之上敬祠徽國文公歲祀罔缺吾鄉士大夫習禮于斯
兼課文業蓋百數十年于茲矣康熙四十四年崇蒙
聖祖御書正學闡教之額頒賜院內日華雲爛朗耀湖山多士益
爭自濯磨文風日上雍正十一年大都運祠城張公來督

聖祖

御書

雖政蒞任後恤商惠民庶政具修尤以教育人材爲已任
春秋書院祀事必躬必親酌爵之餘恒集諸生諄諄以進
德修業相勗因環顧祠宇多爲風雨剝蝕且講堂誦舍缺
焉未周慨然思所以振興而鼓舞之爰命雖商閱其廢缺
酌其修舉凡木石之需甃聖之費計鉅若干兩分釐各爲
捐置餘俱按引輸費歲以爲常雖業諸君罔不踴躍從事
一時祠宇堂舍燭然稱巨麗觀公乃慎擇經師延進士施
君學川爲設絳帳由是杖策負笈之徒蒸然雲集會而課
者月至三四百人校其文而甲乙之公加以品題優其獎
賞多士莫不舉手加額曰而今乃知文之崇也夫崇文者
豈徒揚芳摘藻掇青拾紫而已哉周子曰文所以載道程
子曰編之乎詩書而不愧措之乎天地而不疑此爲傳世
之文文章性道原自昭合學者習其辭究其義以之操身
而浴德以之經天而緯地皆于文焉終始之今者敬瞻
宸翰當思學何以正教何以闡昔文公誨士必先器識而後文
藝凡我同學之人務期砥躬礪行上以答

盛朝造士之宏恩下以體我公樂育之雅意橫經問業一惟薇
國公是景是仰由是發爲文章可以麗日星垂金石顯爲
事業可以立丹陛奠蒼生則其文斯爲大文其崇斯爲智
崇矣多士戴公之德謀一言以鑲諸石余不敏向附崇文

之未班恭承嘉惠竊與有榮焉遂不辭而爲之記 周煌
觀察原公祔祀記畧崇文紫陽兩書院賜鹽道經歷久
廢弛公乃大加整飭門堂垣舍悉予維新又捐資撥費以
佐膏火月舉六課親定甲乙人文蔚起風氣日上公名裒
戴簡齋其號陝西蒲城人雍正丁未進士

紫陽書院 在紫陽山麓康熙四十二年建 大清一統
志 運

司高能徵買宅于鳳山門內之馨如坊改作書院顏曰紫
陽別墅以其地爲紫陽山麓而適與新安之紫陽同名遂
以別墅別之其中爲樂育堂奉朱子木主堂後有簪花閣
五雲深處講堂東爲近水樓南宮舫瀛洲榭生徒于此弦
誦焉又折而東爲春草池爲垂釣磯爲看湖臺爲別有天
爲尋詩逕循逕而入爲層梯疊巘其巔爲巢翠亭遠矚錢

塘聖湖如在襟帶間其他如小瞿塘石蕊峯梧桐岡鸚鵡石筆架峯螺泉葡萄石諸勝皆巖石瘦削壑谷幽邃當事延名師主講席日有課月有程一秉鹿洞規則雍正三年寧紹分司徐有緯捐葺七年總督李衛重建巢翠閣爲文

昌祠

兩浙鹽法記

按田汝成西湖游覽志有紫陽書院云朱子提舉浙東時大有惠政因以奉祠院有崇道堂初陽山房瑪瑙坡寶雲茶塢諸勝據此應在葛嶺以東蓋別一書院而今廢矣舊志及錢塘志均以爲卽崇文書院未詳所據

敬一書院 在錢塘縣孤山康熙二十四年建朔望會衆

宣讀

聖諭集師儒講學于此

大清一統志

巡撫趙士麟構

浙江通志

趙

堂詩二首佳麗稱兩浙風景首西湖院院仙家宅紛紛佛者徒于此有講堂乃在孤山隅月吉須讀法講說資詩書

煌煌十六條

聖

諭

合典謨勸民戒遊蕩勸士學唐虞游蕩非小害何以辨賦租

唐虞亦易效孝弟可為模能勉即上智不移乃下愚古來歌舞場最易負居諸撫軍受命來所重在封疆今者與多士稱說惟先王迂濶頗自笑功效

何由彰學優乃能仕仕學須審詳為學貴知本亦如築斯堂堂基苟不固棟宇徒輝煌風雨能飄搖欹斜乃其常鑒此各自勵先儒即周行計功與謀利病甚怠與荒他日翊社稷還如遊膠庠

西湖書院

在三賢祠右元江南浙西等處肅政廉訪使

即宋太學舊基建三賢祠因建西湖書院元亡書院廢洪

武初改書院爲仁和學奉三賢與岳飛爲土神成化十二年浙江左布政使甯良卽孤山舊萬壽寺故址重建有晴瀾堂松軒瀛嶼南榮巢太常少卿夏時正爲記

成化舊志

按元至元時改宋太學爲西湖書院地在城內後洋街明成化時所建則近孤山三賢祠亦稱孤山書院其地絕殊而猶仍其名李敏達西湖志謂崇文書院卽故西湖書院似未確而敬一書院今亦題門額曰西湖書院或又謂元明時書院故基轉輾鈞互按地考之皆齟齬不合

天真書院 在天真山麓王文成守仁講學之所萬歷間

行人薛侃等建以祀文成

浙江通志

舊名天真精舍在天龍寺

之左嘉靖九年僉事王臣與揭陽薛侃會稽錢德洪王畿
醵金鬻寺僧地創建中爲祠堂後爲文明閣藏書室傳注
樓置饍田以待四方學者萬歷二年侍御萬安蕭公按浙
增建凝道堂八年毀天下書院而精舍亦混爲里中所佃
十一年蕭公督撫兩浙與侍郎江陰范公爲請于朝禮部
議復祠田仍賜祠額有司春秋致祭如禮云

西湖游覽志餘

湛若水

天真精舍詩迢迢訪天真歷歷登斯堂洒落南高峰睥睨
臨錢塘地位高且深如道不可量哲人久已逝山水空遺
光龜疇列方位顯設大文章平生未一試千載悵相望
我來生感慨久要不可忘陳辭苦不足繼以奠心香

按書院之設于錢塘者更有南山書院在蘇堤第五橋

曲港見方回桐江續集南屏書院在慧日峯見牟巘陵
陽集虎林書院卽今所稱舊府明萬歷時巡撫甘士玠
建詳萬歷錢塘縣志兩峯書院在湧金門外明刑部尚
書洪鐘策詳西湖游覽志南陽書院在錢塘門外康熙
間督學彭始搏與諸生講學處玉岑書院在赤山埠督
學汪滙講學處皆詳西湖志正學書院在西泠橋側明
萬歷間西商建詳兩浙鹽法志以上諸院今多傾廢備
識於此

黃岡書院 在海寧縣今東三十六里宋邑人賈氏置義

塾元至正間改爲書院

大清一統志

按海寧志錄危素記文云賈氏名林字仲立其子執中至正五年建立書院與一統志云宋人者亦不符

正學書院 在海寧縣治東康熙十三年知縣許三禮建

浙江通志初立義塾尋改書院

康熙海寧縣志

龜山書院 在餘杭縣治南宋崇寧末楊時知縣事有遺

愛于民民請立書院祀之延師教子弟其中

續文獻通考

社學 附

錢塘 社學十一在松芝二箇一在馨如一在豐寧以上皆舊建一在南良三箇以桑九郡王廟改建一在北良一箇以福順菴改建一在上隅一二箇舊浸沒民居旋查復

一在下隅二畝以青衣道院改建一在柵外二畝錢塘縣志

仁和 社學十在東西壁凡二一在二畝一在三畝皆舊

建在東里凡三一在三畝一在四畝皆舊建一在二畝以

月塘寺改建在平安凡三一在二畝皆舊建一在五畝以

真濟院右偏屋改建一在羲和一畝以唐侯廟改建一在

羲同安谷二畝以晉安堂改建舊志今存六廢者四仁和縣志

海寧 社學二一在泮池左廢為民居一在泮池右今建

節孝祠海寧縣志

富陽 社學在縣東浙江通志

餘杭 社學二所嘉靖元年知縣喻江建一所于府館之

西七年知縣王確復建一所儒學之東

餘杭縣志

臨安社學在治西三百步今廢就常平倉廳教讀

臨安縣志

於潛社學在縣署西

舊志

新城社學在縣東

浙江通志

昌化社學二所一在縣南下余村一在縣東府館左

國朝乾隆元年知縣王綬徙建縣

昌化縣志

杭州府志卷十二

公署

設署以昭官治居其官當敬其事可不慎歟邵志稿本廳
具後有妄人取各門顛倒移置而無所考證惟於公署門
自著其重修歲月且綴其下云疏池疊石園林竹木視前
爲勝此其情狀顯然誠仰如

聖諭所云借民力以營已私者後之人所當炯戒者也今祇載
舊志及各署修繕卷冊庶幾凜敬事之義焉

府

總督部院署 在斯如坊舊爲明總兵府

國朝康熙七年浙江總督趙廷臣改建爲總督部院署二十三年裁併福浙總督駐劄福建署久空閉雍正九年浙江總督管廵撫事李衛撥公修建署之制正中大堂五間上奉御書岳牧之任扁額前爲露臺爲甬道爲儀門題曰文武總憲正南大門三間署額曰總督部院大堂後爲川堂爲二堂奉懸

御書養素二字秉鉞嚴疆四字爲額進內爲垂華門門內正樓五間左右翼樓各三間東西廂樓亦如之後樓五間耳房各三間周以繚垣環以羣房川堂之東爲僉押堂爲書廳爲蓮花幕更東爲

御書碑亭恭貯歷任督臣所奉

宸翰勒石前督臣覺羅滿保捐建其後爲庖廡爲廩庖稍南爲吏舍爲書冊房更南爲內廡川堂之西爲西花廳旁置舫齋池亭軒檻備焉更西爲箭廳較閱屬員騎射儀門東爲土地祠大門外爲東西轅門爲文武官候廳左右建二石坊一曰威震東南一曰澄清海甸更東爲重樓傑峙曰雄鎮

樓

浙江通志

乾隆四十四年公議改建住房于二堂之西面東爲垂花門進內爲內宅門爲走廊住房計四進每進五間西有廂房其三進東側有套房西側有小住房計六間後有羣房

計十八間其住房前照牆之外花廳三間西側爲套房爲
亭二座又爲門通箭道又書房五間廩庖庖湍皆具餘如
前制係捐俸自行修葺

檔案

巡撫都察院署 在裕民坊內通江橋東浙江巡撫舊不
常設有事則遣大臣巡視或尙書或大理卿或都御史官
無定員治無定所嘉靖三十九年太子太保兵部尙書兼
都察院右都御史胡宗憲總督浙江兼巡撫以舊清軍察
院改建名總督府其北有鎮海樓東爲鎮東樓東西二坊
曰保障江藩曰澄清海甸

國朝爲巡撫都察院署署之制中爲大堂崇奉

聖祖仁皇帝御書宣布德澤推誠遇人寬簡愛民扁額前爲露臺
爲甬道爲儀門爲大門後爲川堂雍正二年

御書公勒廉幹四字川堂後爲

聖祖仁皇帝御書受祐堂中懸

御書五福圖又後爲內宅門爲三堂懸雍正四年

賜李衛母

御書永錫康寧四字扁額更後爲住房爲堂樓西爲後廳爲內書

室川堂之東爲

御書樓恭貯歷年奉

賜御製詩文詔諭扁額對聯又東爲誠本堂稍南爲自修堂又東

爲箭廳雍正十二年以總督銜管巡撫事程元章改建書室三楹凡三進以居幕客又川堂之西有書樓五間上懸御書治治東南吏民遵表範誠孚中外政教本公清對聯更西爲箭廳校閱屬員騎射之所西南平房十五間爲總督吏書冊房又樓房二十六間爲巡撫吏書冊房俱有局鑰其巡鹽書吏則截外官廳而屬于儀門之內在東南隅儀門外東爲土地祠大門外東西爲司道府縣官候廳將領旗牌巡捕各官廳左右爲各胥役班房東爲坊曰海晏河清西爲坊曰民安物阜通江橋之西復爲大坊以表之曰東南節鉞與鎮東樓相映帶云

浙江通志下同

按省城公署疊經臺院歷年捐俸修葺因規制多仍其舊故不脩載

鎮浙將軍署 在駐防城內

國朝順治五年設鎮守將軍駐防于杭州築滿洲駐防城以民房大者爲衙署小者爲兵房康熙十三年添設官員衙署皆係地方官捐造大小官共一百三十七員衙署一百三十七所而將軍署外又專設公衙門在八字橋西署之制中爲大堂四十四年

聖祖仁皇帝賜御書典戎扁額懸奉正中後爲二堂上奉

御書冠軍二字額大堂之前爲露臺爲甬道爲儀門爲大門東西

爲轅門樹棹楔外有各官候廳

滿洲左翼副都統署 在輓鼓橋東西轅門鼓亭各一座
大門三間進內爲儀門爲大堂中懸

御書福字扁額堂西爲書房迤北爲住房西轅門外之西南隅爲
箭道有箭廳

滿洲右翼副都統署 移駐乍浦詳兵制其署改爲南米
倉

漢軍左翼副都統署 在花市街署北向東西轅門鼓亭
各一座中爲大門進內爲儀門爲大堂東西耳廂爲書室
堂後爲川堂爲二堂中懸

御書福字扁額後住房九間左右各有廂

漢軍右翼副都統署 在花市街署北向東西轅門鼓亭各一座大門三間門內卽大堂堂後爲儀門爲住房凡二進東西內外各有廂餘皆羣房東北爲蔬圃

浙江提督學政署 舊名校士館今移改都司署在布政司西校士館在八字橋濱河開元宮故址明成化七年建爲三學射圃嘉靖三十三年提學副使阮鶚建爲館歲科試諸生

國朝順治五年環入駐防營內十四年提學道谷應泰卽司花園舊址改建在按察司東康熙十七年燬二十一年提學

道楊引祚重建二十四年以江浙二省爲人文之藪照直隸一體差翰林詹事官一員提督學政在校士館考試雍正二年兵部議准將浙江都使司裁汰雍正四年督學彭維新以舊館窄隘席舍無多考試偪塞擁擠將奉裁都司衙門捐修改造校士館萬歷舊志浙江都指揮使元爲行宣政院明洪武三年置杭州都指揮使卽其地建署領衛十六守禦千戶所五正德五年都指揮僉事陳璠建嚴翼堂嘉靖四十四年張東旭建德星堂爲禮賓之所舊浙江通志順治初改爲浙江都使司中爲觀成堂前爲儀門爲大

門東西兩廡列士子席舍後爲川堂爲嚴翼堂又後爲學使宅榜曰如玉壺冰大門外爲棘門爲榜廊地居南北之中邇于學宮街衢寬廣庭宇明敞

按乾隆二十五年增修堂廊房舍書廳後屢經繕築舍
宇漸增

巡監察院署 在芝松坊二圖宗陽宮東北明永樂間始
差監察御史給事中一員開支天下鹽課至正統三年歲
差御史于兩淮兩浙等運司領勅巡視禁約及督催鹽課
因建院署于浙江布政司東在錢塘縣之興仁坊宏治十
四年監察御史方濫重修嘉靖二十年監察御史唐臣改
傳法寺基重建署之制中爲大門曰風紀重地爲儀門爲
甬道爲露臺爲大堂曰太微執法堂後爲川堂東爲龍門
深處爲日新堂西爲霜臺別署後有樓曰來鶴東爲後樂

園爲一鑑亭迤北爲此君亭爲我心亭爲虛白堂大門外
建二坊東曰激揚西曰貞肅

國朝雍正三年巡鹽右副都御史謝賜履于來鶴樓之東改建
廳事五楹書室三楹餘俱重加整葺

織造府署 舊在太平坊明織造府二並在布政司東旗
纛廟西左爲東府右爲西府以中官掌之洪武二年建織
染局于斯如坊永樂中因地勢卑濕分撥工料于湧金門

建局織造遂以舊名南局此名北局後南局盡廢工料併

歸北局

江廣織染局碑記局肇于洪武間在城之南隅鳳山門裏朱家橋僻隘不便正統間奏改此地宋爲

五顯祠元爲御史臺基址經始相度建立大門一座正屬三間東西二庫提調府廳局官廳以下各房屋計七十間

又置圍牆立中門內有房屋百二十餘間分爲織羅二作
有古井一避火園二宏治間葺東至西河街西至運司河
街南至藩司牆北
至臺後橋河一帶

國朝撤中官而掌以內務府官織造

御用袍服順治四年督理杭蘇織造工部右侍郎陳有明重修

陳有

明織造府碑記織造有東西兩府東府爲駐劄之地西府
則專設機張兩府圯壞過多悉爲整理題其廳事之額曰
天章首煥復于東府自堂簷臥室之側悉置匠作以
供織挽荒蕪整頓煥然一新繪圖立碑以識久遠
四十五年織造孫文成捐修東府預備
康熙

聖祖仁皇帝南巡駐蹕繪圖勒石焉復于大門之外購買民地開

濬城河以達湧金門堂後爲宅門爲衙堂爲內宅門爲住

房爲大庫

按乾隆十六年

南巡改織造署爲內

行宮移署于南關版前其規模制度與舊相似

聖祖御書俱奉安新署中

北新關戶部分司署 在武林門外江漲橋北明初差御史監生開辦課程或戶部官監收船鈔未有定制景泰元年差戶部主事于蘇杭二府專掌之始建鈔關于此六年罷主事歲委府官收鈔成化四年并鈔關罷之七年復鈔關故俗稱北新關云署之制濱河爲前廳外爲坊爲關關北爲委官小署廳後爲儀門中爲正堂後爲寅賓所堂左

爲宅宇爲書室折北爲拱辰樓爲亭沼右爲庫房吏書房
儀門外爲土地祠書冊房

國朝康熙五十五年停差戶部官北關錢糧交與巡撫監收雍正七年總督管巡撫事李衛題准將南北二關稅務交與織造管理

南關工部分司署 在芝松二園巡鹽察院之西明改市

舶司爲之本宋德壽宮後圯址永樂中命內臣掌海舶互

市成化七年設關抽分木稅建署于候潮門外俗稱南關

嘉靖三十六年燬員外李方至重建改今處

萬歷舊志金璐修改兩

浙諸關記竹居薛子尚遷氏主樞木稅蒞兩浙署曰南關衆商萃焉政之所出也此外亦別有關關計十一所一曰

杭州府志

卷十二

公署

八

漁臨二曰平水三曰鳳山四曰美政五曰古蕩六曰觀音
七日北新八曰教緇九曰板橋十曰良諸十一曰安溪其
視南關或遠或近地僻而事微漁臨差盛每歲四八月主
政親詣其所餘則委諸下吏或擇一老人代收其稅具報
于南關署總其所入輪于公家然自權稅以來雖有關名
或鮮定字間一有之亦復圯廢往往移就民居商或鮮知
無所向方易犯禁例守者倚法相視爲奸弗可究正竹居
子旣至嘆曰事有弗得弗爲者可避小嫌以滋多弊已而
循歷諸所修復者三餘易民家隙地或爲廳室或止爲一
小亭各就所宜扁以舊名示有定界乃若漁臨關者故近
批驗所兩商輳集官河弗能容舟筏往來互相擠塞宿以
爲患竹居子擇所于便徙之地易田爲廨分糾息爭俾永
厥利凡厥攸費悉付之省司者而已無預焉諸關底績見
于新志可考也間以其事語及近山金子金子曰善哉竹
居子之爲政也豈獨治關一事然哉臨財弗苟可以興廉
居官任事可以宏量仕事弗避可以忘私爲政弗苛可以
昭德規畫有章可以致遠君子可大受亦可小知竹居子
之謂也豈獨治關一事然哉金子旣以其言復于薛子且
告之曰子所治誠善政矣曷命之貞石庶有後愆毋致速
毀茲固君子所弗避也統書以爲記 高儀政約記南關

政約者工部員外郎吉水謝君之所定也惟南關舊有牙
僧若干人凡商木售于市者俾之展成奠價于是委之羨
利以待諸司之營建卽選材供事而所司仍酬其直焉享
公家之利服公家之勞法制所從來久矣顧吾杭頃歲百
役彙興征索無虛日且抑削其貲衆始大困董事者急于
徵集輟市歛于商而抑削如故則商之困尤甚以故訟牒
交騰歷數載不決歲甲辰謝君來蒞事廉其狀卽慨然曰
此事易理耳夫任牙者法也必取于商者勢也審勢以行
法是惟吾責乃召羣牙諾之曰汝固不堪役乎然汝職不
可盡蠲也吾將酌捐汝利以歸商卽更汝役法如何咸稽
首曰幸甚于是復召諸商語之故諸商亦稽首惟命遂曲
慮詳畫列爲約百六條交質于庭榜于署檄于有司刊爲
令謂之南關政約云察時變當民情片言而訟絕謝君其
真治理明達優于政如此哉雖然予竊有感于是易曰說
以先民民忘其勞說以犯難民忘其死故成周盛時營宮
室治館榭其民匪特不以爲困又從而歡樂之若詩之咏
靈臺蓋可見已及其後世有大東之刺則憂危愁苦若不
堪命者此何故哉蓋勞逸頓殊而公私之情亦異也牙人
服事于杭垂百年始不以病告一旦乞貸其役遂舉千金
之利以捐之若釋重負而諸商歲捐千金以償公市之關

且懼其不給也非役煩而歛急則百年之內豈宜變更若是乎是故民勤于財則貢賦省民勤于力則功築罕此正吾杭今日所急講也政約既定之明年謝君將代去商牙謀立貞石以示久遠余已表其事而因附已說以告夫觀風者謝君名體升字順之別號湖溪登嘉靖戊戌進士廉靜公平諸所規畫咸盡善將有特書其蹟者故不載

國朝康熙五十五年停造工部分司南關錢糧交與巡撫監收署遂閒曠雍正四年

特設浙江觀風整俗使就南新關督權衙門駐劄重加修葺雍正八年停差觀風整俗使仍稱南關衙門云其制中爲冰玉堂前爲露臺爲甬道爲儀門爲大門東西爲吏舍堂後爲川堂爲後堂西爲使宅又西爲靜觀堂舊名梅花廳扁曰梅石雙清堂之前有活石亭今圯芙蓉石在焉石出土高

丈許巖竇玲瓏蒼潤欲滴篆曰鐵雲傳是宋德壽宮舊物
傍豎斷碑刻藍瑛所繪古梅一本枝幹如生迤西爲耳房
爲西廂房爲書房西南爲書廳儀門外東爲土地祠題曰

觀梅古社

織造府
檔案

布政使司署 在清河坊迤西面蛾眉山宋南渡初爲殿

司寨尋改安撫司復改秘書省元至元二十六年自揚州

遷江淮行省于此并開元宮址廣之改江浙等處行中書

省至順壬申重修

浙江通志
十六年制

改江淮行省爲江浙行省自

淮徙治錢塘統有兩浙江東而以淮東西分隸河南明年
始營宋秘書省故地其制視都省稍殺焉後福建省罷全
閩八州亦併來屬地蓋益廣山區海聚民伍兵屯奉賦租
受要約者衆以數百萬計出號施令風動雷行東南半壁

藩維晏然朝廷常選重臣以臨蒞之柄任專則其體貌宜
特隆位望尊則其禮制宜特異臺門設樹平津開閣所以
辨堂廉而示等威者其品式昭昭具矣宰臣若曰吾為天
子專制方面權綱攸繫有翼有嚴其命幕僚相持蠹敗完
舊飾新無陋無奢中茲度程乃出緝于府徵材于市工用
官傭役用農隙昉自堂庭達于門閭易剏弊為堅良化葺
闢為麗密塔城瑩淨堊獲新鮮觚稜蔭井動采交輝表漢
廷之黃閣映中天之紫垣百司庶府奔走承命者咸改視
易聽以為士大夫之治于其官猶人之修于其身也身修
則心正而物正官治則事治而民安德則視諸其身政則
視諸其官一省署之修舉而元僚學相之素蘊畢見至正
于斯觀隅知室閭樂知德信斯言哉至順壬申記

初燬三年丞相拜爾哈普化復拓其制明洪武九年改今
司署永樂十七年火宣德間左司黃澤重建嘉靖元年左

叅政顧璘重建紫薇樓于堂後唐龍重建紫薇樓記晉太

康初置中書省以平章政事省中植紫薇花唐開元中改為紫薇省元于外道置中
書行省我朝改布政司後有堂重之以樓題曰紫薇嘉靖

元年顧公璘鼎建而
紫薇之名不易也

國朝順治十五年重建大門曰膏澤門前臨百蟬池跨以石梁
門以內爲甬道爲儀門爲屏門題曰藩屏重地曰岳牧崇
瞻北爲露臺正中爲紫薇堂康熙三十六年

聖祖仁皇帝賜額曰承流宣化四十二年

御書清慎勤三字奉懸正中後爲二堂扁曰行中書省仍元時舊
額也旁列東西二坊進東爲使宅門榜曰紫薇公署進內
爲二門爲大堂題曰靖共正直中奉

御書福字額雍正十年

賜布政使

臣

王紘內爲宅門爲絜矩堂中奉

御書福字額雍正七年

賜前布政使

臣

程元章堂左爲廳事三楹上奉

聖祖御書振鷺初飛四字額南爲書室更東爲舫齋西爲一栗書

屋舫齋之南有重樓傑峙曰四照樓舊名天香樓絜矩堂
之北爲正樓五間左右夾廂東爲耳房三間內書室五間
後有園舊名後樂有亭曰後樂亭亭下有松化石疊石爲
山以在使宅之西因稱西山紫薇堂之右爲督糧道署儀
門之左爲經歷司使宅之南爲土地祠爲照磨所儀門之
外東爲理問廳西爲寅賓館更南之西爲資盈庫規制宏

敞實稱東南首藩云

布政司
檔案

按察使司署 在前洋街紀家橋東故宋岳武穆王宅也
紹興三十一年以宅爲太學學煥元大德中改爲肅政廉
訪司明洪武初改提刑按察司仍其舊址洪武二十七年
重建堂後有一清樓歲久圯成化十年按察司戴珙重建
爲堂并營夾室徙民居闢道南出規制始稱夏時正按察司治元江南浙西等處肅政廉訪司舊治也舊址莫詳創始國朝改爲是司堂後有樓名一清將壓弗支正堂以下亦復頽敗兩廡逼隘弗容外門低小弗稱皆非所以聳人瞻視及已戴公來長憲令行政清民物安堵因葺廢舉墜詢之父老謀之寮案按籍得在官羨餘計若干及令諸道分司亦以羨來計若干盡畀之鳩工集材肇于歲之甲午九月落于丙申四月樓撤爲堂仍以樓之舊名名之堂左右爲夾室堂之前別爲堂曰協恭東西爲軒曰蓮桂日來鶴正堂儀門則增飾之闢廡使東西各丈餘而外門特高大焉門之南去民廬不百十尺氛囂接堂陛遂召民而告

之民皆願他徙公盡以地之在官者與易而復給其徙之費于是自甬道南出矢直砥平檜柏夾植蒼然整列設屏以蔽內外建坊以按察司三字題之外則長生街街東西復建坊東曰端本西曰澄源由街東出則睦親坊外臨通衢別建坊曰彌教西抵城址白龜池之上池卽唐李泌所置六井之一建坊曰肅政由是堂室門廡高明朗徹氣象不作使宅之東爲嘉湖道宅杭嚴道宅清軍道宅巡視海道宅溫處道宅金衢道宅西爲水利道宅驛傳道宅提學道宅

國朝設按察使司裁併道員其現設者則分設各道署而司署仍其舊署之制中爲大堂康熙三十八年

聖祖仁皇帝御書廉察之寄四大字

賜按察司

臣

于準四十六年

聖駕巡幸至浙復

御書存素堂扁額俱崇奉正中前爲露臺爲甬道爲儀門爲大門

東西廊爲六房吏舍後爲川堂堂勒

御製按察使箴川堂之後爲同心堂

吳伯通同心堂記正統庚戌浙江按察使于大節以凡事

務歸于大公至正使同官者皆易知而易從焉更名廳之堂曰同心更後爲使宅二門之外

爲忠祐忠節二祠西爲土地祠爲禮賢館大門外東西列

二坊曰激揚曰振肅又東爲岳忠武王祠爲經歷司爲照

磨所西爲司獄司又照磨所之東創爲候審所雍正八年

糧儲道朱倫瀚捐建

浙江通志朱倫瀚書候審所始末候審所余署臬篆捐養廉創設也人

犯解司吏到卽投隨發分禁無許時刻逗留法甚嚴矣問或暮夜抵省文不及通不得已仍帶至客寓門無防禦守

土官又不及聞知設有疎脫誰其任之且銀鑄楮怪或樓廊廡或受羈束聞者不能無動于心去臬署不數武適有官地建屋三楹東西各五楹外爲大門周以垣牆不浹月而頓舍有所疎濶無虞又撥民壯十名專司防守其工食歲修則稽官地所餘賃之民間者集其息時給之此又長外臺者之責非署篆所敢知也雍正庚戌八月書

乾隆三十九年重修向有

御書存素堂今移入衙堂此堂新建左爲會客廳名雙桐書屋改

花廳爲懷清堂對面挹翠樓樓下十七帖嵌碑新從墻下

搜剔得之按察使司徐恕有跋挹翠樓西假山遊廊東天

街接慶亭又東箭道內上房東添樓五間西開池蓄水池

邊築亭三間又西添書館書室等房

檣案

糧儲道署 在布政司南一在司二門內西在蛾眉山麓

與布政司對舊名南堂

郭子章題名碑記萬歷己丑冬余由蜀督學稍遷浙藩受檄檣嶺兼

理漕政分署在司南跨吳山之陰踞峨眉之椒實月北連西湖右繞直際其巔則林麓蕭翳禽鳥間關如坐翠微疑眸遠睇則城市山川隴列在望土方氏謂地不華離若踞而候若攬而有宛委回環宜土樹舍以故高賢名卿多出署中

國朝康熙十二年參議劉昌言重建漸圯雍正九年糧儲副使

道朱倫瀚鼎新之

朱倫瀚重建南堂記布政司南峨眉山椒有糧儲道舊署自前道劉君昌言徙

藩署之西別建內署而南堂舊屏走艇廳叢荆棘廢棄者垂六十餘年內署既偏窄非治事之居而南堂又日就圯圯用所不足而棄所有餘為兩失矣余受任之三年上之制府制府允議遂詎日鳩工葺毀創新緣舊制而參以地勢所宜前為大門與布政司相對迤東為二門門以內為大堂堂之後循階而升有亭一方周設隱櫺俯瞰鱗櫛顏曰光明洞達再上為內署再上則已躋山巔

聖祖仁

皇帝御碑亭在焉自堂以後三歷階階率三十級翼以修

公署

公署

公署

公署

庫挾以外廡吏直賓次環列有所費不及公役不厲民始
事于辛亥之冬閱兩月告成董其事者布政司經歷陳延
訓理問高鑒又布政司內紫薇堂西舊有督糧道署因南
千總王渾也

堂廳事後逼近山麓廨宇無多故于總司二門之內別建
內署而以南堂爲外署出而視事焉署門東向題曰紫薇
清署進內爲二門額曰春臺南向更進爲籌國堂上奉

聖祖仁皇帝御書朱子書字銘後爲衙堂康熙四十六年

御書祇勤二字額奉懸其上籌國堂之西爲亦軒右有隙地爲箭

道閱衛官騎射軒之南爲舫室顏曰虛舟皆雍正七年督

糧道朱倫瀚捐建

朱倫瀚亦軒記糧儲道自康熙十二年

劉君昌言因南堂逼近山麓遷布政司
之西偏爲紫薇清署堂廡卑隘每遇兌發之期弁丁擁擠
不稱觀瞻脫有他事或僚屬往來求寸隙地容膝不可得

也堂之西有屋數椽屋西南則曠爲廢圃者幾數十弓謀
創爲退事之居而圃缺其西偏不能徑直詢之里外則民
間壞墻無所用余遂捐資購之徹牆得地數尺鳩工輪材
結屋三楹雲居月偃不招致而爭妍得秀絡繹簾旌屋角
間其南復建舫室以爲暇時寧息之所舫室之西則闢箭
道是卽所爲廢圃數十弓也舉眼看青山捲簾作飯鳴磬
斗室中具足境界糧儲道始有接見賓客考驗弁員之地
然不事雕刻無丹青之飾工竣而顏之曰亦軒昭其儉也
衙堂之西爲樹滋書屋堂後住宅年久傾圯復捐建凝暉
樓五間兩旁俱增置夾室寢處庖湍始備

糧儲道
檔案

鹽驛道署 在湧金門內太平坊宋乾德後增置諸道轉
運使太平興國三年開兩浙路轉運使署于鳳凰山雙門
內爲南北二衙熙寧間移至于湧金門內元至元十三年
改都轉運鹽使司明因之

國朝康熙四十九年改爲鹽驛道署東瀕湧金河跨石梁爲轉
運新橋建譙樓其上東向進西南向爲計臺門爲玉帶橋
水通湧金池環署合流曰環帶河入爲甬道爲儀門爲露
臺爲經畧堂左偏爲經歷廳右爲照磨所東西廊爲六房
吏舍堂後爲川堂爲絜矩堂西爲使宅有宅門有堂曰思
補內有五間樓西爲書廳後臨湧金池爲水閣外有運剏
運判署分列于二門之外如左右翼計臺門以東爲將盈
庫西爲架閣庫前對贊官後連駐防營規制爲整肅云

兩浙

鹽法志

乾隆四十三年十月鹽道陳淮重加修葺依舊制而稍增

之書廳後爲走廊爲花廳顏曰環帶山房爲曲院數楹顏

曰雪鴻小築

案稿

寧紹溫台分司署 在鹽驛道大門內西明置兩浙都轉
運鹽使有同知副使判官爲之貳又設嘉興松江寧紹溫
台四分司而以同知領松江以副使領寧紹嘉興溫台則
兩判官分領之寧紹分司舊在紹興府治之火珠山側卽
宋錄事司故址元大德間建明因之

國朝康熙二十年裁運判一員并溫台分司于運副而紹興之
署亦久廢不居今解在運司計臺門之右門東向進西爲
二門爲作和堂南向後有二堂有三堂迤西爲內宅折而

西爲六漱軒引環帶河水爲池運副謝棠題曰漱灑餘波

浙江通志下同

按寧紹溫台分司署今改建運司衙門外杜子橋東首
紫城巷舊解今廢

嘉松分司署 在鹽驛道二門內東舊制以轉運使同知
領松江分司而嘉興分司則運判專領之松江分司署舊
在下砂鎮宋建炎中置明嘉靖癸丑毀正統間遷于新場
鎮之北今廢嘉興分司署舊在嘉興府治廣平橋西卽招
提寺址也南爲寶花倉今亦久圯

國朝康熙四十三年裁運同以松江分司併運判卽遷運判于

運同之署在運司二門內之左門西向東入爲二門南向有堂曰清鑑後有二堂凡三進制與前堂埒折而東爲書冊房又南爲書廳

按嘉松分司署今改建運司衙門外半里三橋址下舊廨改爲土穀祠半改入庫署

經歷司署 在大門內

舊志下同

庫大使署 在將盈庫之外

督標中軍杭協水師副將署 在馨如坊分守杭嘉湖道署

國初改爲會議府後改爲城守副將署舊設浙江督標三營官

康熙二十三年裁併福浙總督雍正五年巡撫李衛奉

特旨陞授浙江總督題改杭協副將爲督標中軍官署門東向題

曰杭協鎮進內官廳三間儀門三間南向居中大堂三間

舊額至公堂康熙四十五年杭協副總兵官吳開圻更題

曰問心堂堂之東爲廳三間曰思繼堂開圻子進義亦居

是職故書是額

吳進義思繼堂題額毀曩者家君鎮此三載移節章安今余自章江調任茲土相去

二十載每思家君以右榜一甲第三出典兵戎聖恩優渥志在潔已受人忠誠報國余廻訪村何能仰繼惟

勉職業雖自公之餘亦不敢少圖暇逸堂西箭廳三間雍正

四年陞任崇明總兵官李燦建堂後爲宅門門內正樓

五間雍正七年九月吳進義捐建題曰湖山湧秀餘爲羣

房廚房硝房馬房皆先後添葺

浙江通志下同

撫標中軍叅將署 在城隍牌樓內南首夾道浙江撫標兩營舊設遊擊一員雍正九年改撫標中軍遊擊銜爲叅將署在紫陽山之左門南向進內爲儀門爲大堂爲住房爲書房爲羣房去通江橋不百武密邇院署

貢院 在觀橋東宋時在觀橋西新莊橋東元時在祥符橋明洪武初在府學西卽仁和學基也其後人才寔盛又以嘉湖二府來屬地狹不足以容席舍天順三年改今所乃仁和倉舊址也成化十年左布政使張瓚克拓而增節之商輅重修貢院記國家做成周賓興賢能之典三歲一開科取士天下諸司奉行惟謹近世試士之所謂之貢

院重垣薦棘防範既密去取尤嚴豪傑英邁之才至此如
雖處囊中穎脫于外有司自當刮目視之蓋禮法並行不
相悖也浙江東南巨藩人才科目視他邦爲盛舊時貢院
在郡庠西已而遷至東北五里視舊地寬廣幽靜中爲至
公堂及東西廊堂後爲直舍舍後爲五經考試房以至供
膳執事之次大畧皆備重門高墉內外謹嚴門之外東西
牌坊二榜曰騰蛟起鳳聲美觀也堂之前續構層樓扁曰
明遠便瞭望也然歲月既久風搖雨蝕堅者朽而壯者腐
浸至頽圯其規制亦多弗稱成化甲午當開科之歲左布
政使張公贊右布政使竄公良按察使戴公拱謀諸同寅
園維修改因以其事白之巡撫院憲劉公敷議克合遂鳩
工爲材擇日舉事朽者更之腐者易之卑者崇之隘者廣
之廢闕者補葺之漫漶者增飾之舊受卷彌封謄錄對讀
四所厥出于至公堂之前茲移之東西二掖諸如此類悉從
改制工出于在官之力役財取于公帑之羨餘一毫無擾
于民經始于歲春正月至夏六月告成規模宏麗甲于
他省諸公馳書來京屬余以記予以非才勞有司薦剡驟
息四十年追憶場屋事恍如昨日聞茲盛舉訝然而喜詎
敢以不敏辭竊惟科目取士禮也防閑之者法也法輔禮
而行禮因法而成不然魚目混珠賢否無別雖欲得實才

進之以光輔皇明之治其可得乎此貢院之修建所謂澄源端本急所先務者矣吾黨之士試藝于斯角勝于斯發跡升階于斯豈徒爲一身之榮將自是而推其明體適用之畧展夫經綸濟世之才以建大功成大業使利澤施于時聲華昭于後庶幾朝廷設科之意有司嘉靖四年巡按薦進之公爲無負已幸相與勉之是爲記

御史潘倣新選秀堂至公堂拓明遠樓築瞭高樓規制大

備王守仁重修浙江貢院記古之選士者其才德行誼皆信禮義而無有乎防嫌逆詐之心也士之應有司一惟忠恥退讓而無有乎奔競僥倖之圖也迨世下衰科舉之法興而忠信廉恥之風薄上之人不能無疑于其下而防範日密下之人不能無疑于其上而鄙詐日生于是乎至有搜檢巡綽之事而待之不能以禮矣有糊名易書之制而信之不能以誠矣有志之士未嘗不嘆惜于古道而千數百年卒無以改殆亦風氣習染之所成學術教化之所積勢有不可得而誤焉者也雖然古人之法不可得而復矣所以斟酌古人之意而默行之者不猶有可盡乎後世之法不可得而改矣所以匡持後世之弊而善用之者不猶

有可爲乎有司之奉行其識下者昧古之道而益峻之以刻薄猥瑣之意其見高者鄙時之弊而遂行之以忽慢苟且之心是以陋者益陋而疏者愈疏則亦未可專委咎于法也若浙之諸君子之重修貢院斯其有足以起予者矣浙之貢院舊在城西嘗以隘遷于藩治之東北而苟簡尚仍其舊嘉靖乙酉復當大比監察御史潘君儆實來監臨乃與諸司之長佐慎慮其事而預圖之慨規制之弗備弗飭相顧而言曰凡政之施孰有大子舉賢才者而可忽易之若是夫興居靡所而責以殫心厥事人情有所不能矣無亦休其啓處優其餼養使人樂事勸忠以各供其職庶亦盡心求士之誠乎慢令弛禁使陷于非僻而後摧辱之其爲狎侮士類亦甚矣無亦待士以禮之意乎于是新選秀戒而肅以全其廉恥庶亦待士以禮之意乎于是新選秀堂而軒于其前爲三楹新至公堂而軒于其前爲五楹庖湑器用無不備具又拓明遠樓以爲三楹而上崇三簷下疏三道創石臺于四隅而各亭其上以爲眺望之所其誠防閑之道靡不恪修夫然後入而觀焉則森嚴洞達供事者莫敢有輕忽慢易之心而就試者自消其回邪非僻之念蓋不費財力而事修于旬月之間不大聲色而政令行肅觀向一新若諸君者誠可謂能求古人之意而默行之

者矣能匡後世之弊而善用之者矣諸君之盡心其可見者如此至其妙運于心術之微而務竭于得爲之地不可以盡見者固將無所不用其極可知也是舉也其必有才德行誼之士如三代之英者出以應諸君之求已乎工訖使來請紀辭不克而遂爲書之嗚呼天下之事所以弊于今而不可復于古者寧獨科舉爲然乎誠使求古人之意而默行善用之皆如諸君今日之舉焉其于成天下之治也何有哉

九澤易南隅民居闢路遷門復加繕治

萬歷舊志江曉重修貢院記誕惟

聖朝稽古定制三歲命鄉簡秀升于春官曰貢士肆諸省城有貢院之建惟浙文獻甲諸省士之應簡者歲益增自建院以來凡幾修矣嘉靖丙午實惟簡秀之期侍御蒲池楊公按治于茲祇率厥典偕巡薩侍御紀山曹公暨藩臬郡邑達觀于斯院堂館臺署罔不宏碩而旅進之西衢則以崇坊表焉蓋前按治雲川舒公偕巡鮑小江陳公經度而增葺之積諸太宰漁石唐公司馬甬川張公所記可徵也顧諟南隅壅塞罔以熙文明之化且士自崇坊而進岐紛橋隘罔以徑趨矧諸駿奔祇役者亦罔攸佇俟曷其弗爲之所詢謀僉同爰檄藩臬郡邑敷稽厥址量廣輪而公

易焉肆諫日命工載闢載營式爽且塏辰且遷正門重門而南以宏試舍越在內左以司饋右以司幾率惟其制而擴之越在外左則諸司協理者次焉右則郡邑司饋者次焉率惟其宇而更之中除爲道至于南衢而蔽之以屏門啟之以坊門厥左右聯之以序廡自衢抵南崇之以垣屏厥左右咸樹之以坊自右坊折而南則建輿梁以利涉而直達于西衢表識惟舊規制惟新矧駿奔祇役者咸有次舍越五月鳩工僉功奕如秩如厥孚翕如允甲于諸省式惟諸省光厥左伯虛谷姚公暨右伯叅伯僉曰偉哉令猷倬哉嘉績尚圖惟攸責爰俾郡守嚴侯暨邑令程子龔子胥諭于曉頤曉弗責其曷以責第麗于洽且昔侑太宰司馬胥賓于斯其曷敢弗責乃矚言曰惟國非賢罔乂惟賢非簡罔庸賢所以翼治也院所以簡賢也翼治惟賢簡賢惟院豈其重哉淮皇建極誕敷之德屢簡厥賢用翼明明治越在浙揚廷展采後于前聞率惟斯院所簡特乃休今蒲池湯公肅憲敬典章軌貞教不惟迪簡是重俾斯院聿新用熙文明之化紀山曹公恪度崇雅實協襄焉且藩臬郡邑式胥剛猷式胥宜力財則取諸公帑而出納有經工則備諸廩里而省試有程非急先務懷永圖而終覈詳恐其曷以致是是其經世之績乎在事君爲竭忠在制事爲

率義在作人爲式禮匪徒飾之以侈美觀云爾凡在斯賓斯者亦尚釋思以無負茲典敷言試功用昭令譽于丕時則斯院彌重斯省彌光其永孚于休曉欣覩厥成肆敬識之以資茲珉其諸藩臬郡邑暨承采庶職悉載于石俾永世無斁

國朝德教覃敷人文蔚起每舉賓興之典輒加增葺因應試者多至數倍舉子號舍舊設四千八百五十間康熙二十三年巡撫趙士麟增建五千一百二十間猶不敷用添取輜號五十年巡撫王度昭復添建二千三百間共一萬二千二百七十六間直省號舍之多無過于浙者院之制中爲至公堂左爲監臨別署東爲彌封所西爲受卷所前南甬路之中爲明遠樓東西爲文場號舍四隅爲瞭高樓甬路

之南爲坊曰龍門又南爲儀門爲大門至公堂之後爲川
堂爲洗心堂東爲監試署文冊庫膳錄所西爲提調署爲
掌卷對讀所洗心堂之後爲協忠堂更進爲聚奎堂爲正
副考官署爲五經房儀門之外東爲供給所西爲巡綽所
大門外東爲三司廳西爲外供給所東西長廊爲諸生候
立處直南表坊曰天闕文運東西二坊曰明經取士曰爲
國求賢迤南而西曰登雲橋立坊曰貢院雍正七年欽奉
恩旨開科總督李衛因貢院年遠坍塌酌撥備公銀兩飭總理官
將聚奎堂明遠樓及四面瞭高樓重加拆建并葺東西文
場舉子號舍盡甃磚石重修主考房內外整肅規制一新

浙江通志
下並同

演武場 一在錢塘門內一在候潮門外宋景靈宮及錢塘縣故基元初改爲教場明因之每三年舉武士試馬步箭及每年按撫練兵都指揮操演官軍之所其制西倚城東南北三面繚以垣墉地廣三百一十六丈東南爲門二
中爲演武場

國朝設滿漢駐防官兵以錢塘門教場爲駐防營較閱之所其督撫操演官兵及武闡大比俱在候潮門外櫺木營面南照牆一座將臺一座東西鼓亭二間正中官廳三間題曰演武廳進內川堂二間二堂三間額曰耀德揚威右偏看

樓一間左首爲廚房爲守宿房南爲馬王廟北爲關帝廟

雍正七年總督李衛重建

浙江通志

皇華館 舊名虎林書院在清河坊北大街虎林書院明撫院舊府也萬歷二十七年浙江巡撫甘士价建明卜講堂于城中得撫院舊府改建前爲大門署曰虎林書院中建明賢堂左右爲門中爲凝道堂堂後爲友仁堂左右各建三館以待諸生肄業及四方來學者最後有藏書樓明季已廢人但稱舊府

國朝康熙三十二年建敷文書院于萬松嶺士子皆就敷文肄業舊府舍宇傾圯僅存堂屋數楹因地處城市之中人居

祠密向爲朔望宣講

聖諭之所

雍正八年四月改爲皇華館

浙江通志 李衛改舊府爲皇華館記大臣受天子

命建節一方則官吏之賢否民生之休戚軍政屯牧之整

飭廢興人心風俗之表率化導無不舉而責之于身雖竭

手足之力耳目心思之用勞神瘁精蚤夜區畫猶慮識見

有所未周上無以答聖主倚畀之殷下無以慰士庶仰望

之意其敢優游公府稍自暇逸乎哉余自雍正四年春始

蒞浙撫之任五年冬蒙

恩擢浙江總督仍兼巡撫鹽樞事旋

命節制江南加兵部尚書太子少保受

國厚恩至深極渥凡地方事宜雖綆短汲深而此心不敢不盡

數年以來諮諏採訪于江海塘岸之隄防河湖漕堰之修

濬田疇水利之蓄洩城郭墩臺之備禦與夫橋梁道路圯

闕營房築壩開渠古蹟賢祠等類凡有益于民生者設法

籌畫次第舉行幸費不浮靡而事得粗辦獨念

國家賓興大典三歲一舉秉尺衡文之使來茲土者向無一

定館舍臨時輒借民房以停行李又奉頒

詔旨或有經由差審事件其星輶暫駐之地亦當爲之重體統

肅關防而民居湫隘喧騰雜沓非所以尊王人而慎事機計當專設一館然鳩工庀材動糜帑課存之于心非一日矣鳳山門之北有明時撫院舊署昔人名虎林書院後則用爲講約之所夫宣講

聖諭當令遠近士民無不觀聽今泥于一方就近院署草率了事則省城周圍數十里土著之人東西散處安能期望羣趨畢集且近處閭閻朝夕往來不過擔漿負販之徒聽聞歷久漸將視爲具文余下車以來酌地遠近分設十門內外以次輪講俾僻遠細民咸聆

聖訓以無負聖天子詩誥化導之至意而此處又經年累月鎖鑰塵封矣屋無人居遂成虛設頽殘牆堵剝落簷牙日久益甚因念向

爲欽使謀一專設之館舍此奚擇而可任其傾圯哉遂筮吉日捐

公費以集事選屬員以經理毀者復之壞者修之堂若干楹寢若干楹停車馬舍儼從以及吏胥職役居處共若干楹門牆有禁庖湏且備丹堊粉繪煥然一新而此外于藩伯署前又增修一公所爲副使居停之地由是兩浙省會之區細衣適館不致僱僦民居喧騰雜沓豈非一舉而兩得者乎然創之不易守之更難賓興鉅典例逾三載往來

星使亦非久居則此署仍多閒曠恐將來按年修葺又無經費計惟浙省提鎮以及分巡外道多駐劄海濱省城向無行臺議令嗣後公事至省亦得于此二處駐節每次既省儉寓之值亦可量助歲修之資則又人有所止費有所出可以垂之永遠而不廢是亦政修事舉之一也爰誌經理之日月書其事而勒諸石時雍正八年歲次庚戌清和

杭州府署 在豐寧坊竹園山漢以來皆治于武林山隋

以來始治鳳凰山唐及五代前宋皆因之建炎以後即其

地爲行宮而守臣始于竹園山建治所

李華杭州刺史廳壁記唐虞之代四

岳十二牧分掌諸侯宗周有方伯連帥之職秦有監郡漢魏以還初曰部刺史後曰州牧近代罷州牧復爲郡太守太守刺史無恒其稱職同九卿假以符節雖親如魯衛貴若周召任切安人往往除拜天寶中朝廷以尚書郎人物之高選二千石治元元之性命始以省郎臨大部若密邇京師或控壓衝要萬商所聚百貨所殖將擇良吏重難之

杭州東南名郡後漢分會稽爲吳郡錢塘屬隋平陳置此
州咽喉吳越勢雄江海國家阜成兆人戶口日益增領九
縣所臨蒞者多當時名公宋丞相劉僕射崔尚書訐謨大
政其間劉尚書裴給事之盛德遠業魏左丞蘇吏部之公
望遺愛在人常太原崔河南劉右丞侯中丞節制方隅有
事已承承制假權以相國元公旬朔之間生人受賜由是
望甲條州名士良將通臨此部况郊海門池浙江三山動
搖于掌端靈濤歎激于城下水牽并服陸控山夷駢稽二
千里開肆三萬室近歲災沴繁興寇盜連起百戰之後城
池獨存王師雷動元惡授首乳哺疲人分命賢哲詔以兵
部郎中范陽盧公勿平爲之公體仁而清直方簡亮文以
輔德武以靜人澄沉有清江之姿巍峩有秋山之狀麾幢
戾止未逾三月降者遷忠義歸者喜生育旌次讓利轅門
無聲人咸曰休哉以卿佐之才遵王澤敷德政吾見其爲
公爲侯福履宜之未見其極也刺史冠服印綬甲令載之
故不書詞尚體要古史之遺也永泰元年七月二十五日
記
吳越錢氏卽治建國至宋納土以其國爲州治高宗南
渡改爲臨安府因築行宮于鳳凰山遂徙府治于今所元

木爲杭州路

劉基杭州路重修府治記國家撫有四海輿

選守令舉重臣之有才德聞望者居其職以抗爲東南大

郡故以中憲大夫福建憲副寶珂公爲其總管公受命來

杭未及期月威惠大行百廢咸舉吏民順令如臂使指遂

作新三皇孔子所以尊聖道明教化既底厥成乃集僚佐

吏而謂之曰大江之南郡莫大于杭行省所在他郡于是

乎取則而郡治仿宋故物以至于今棧桶朽腐瓦木將壓

今以陋就簡以至頽仆而後役民爲之工用必倍是養患

以貽民戚也吾欲理而新之若何衆皆應曰諾惟公命于

是出俸錢之餘以先之僚佐以下皆致俸焉乃命知事丁

鉞董其役曰堅者仍之蠹者易之傾者植之頗者直之缺

者完之隘者寬之卑者塋之實其基址鮮其塗墍華勿過

侈儉勿致陋工用之需一自百司無以煩于民工興民亦

相謂曰我公以德懷我滋我息我恐勞我力趁事赴功我

之職也我乃弗爲而以憂我公他邦之人其謂我何皆踴

躍請自效不數月而工畢其觀事之堂卽其舊名曰宣化

其偃息之樓名之曰明新宣化者宣明天子之化布政之

謂也明新者明德以新其民修教之謂也政教並舉治民

之道備矣明年公以除去而府判劉克忠以其事言于基

請記焉夫頌前人之美將以爲後人之式非徒作也公之政不赫赫而使人有去後之思有古循吏之風焉來者尚踵其法而思其意出則思善其政入則思善其教使斯民觀感而化以不負斯堂而無忝乎名樓之義則公之心益遠而無遺矣公字惟賢高昌人至正壬辰春三月日記明洪武初改路爲府卽舊址

以建府治宏治十五年知府楊孟瑛修

楊孟瑛修府治記予自刑部郎中出

守抗部及門門地升堂堂敞退食于寓支柱岌岌幾仆謀之東守杜君克善告于巡按得報可取資于公帑屬杜君董役樽節費出懲勸勤閭十一月訖事表觀望殿啟閉爲重門爲楹間者三度版籍藏貨財爲府庫爲楹間者亦三罪有重輕故獄有內外爲楹間者五十有八美材無所于委于是貫堂之後以延賓客而守所寓與貳守所視事廳咸更新之費公帑千六百緡有奇用人之力稱嘉靖二十一年知府陳仕賢重修親賢館

舊志

國朝康熙十三年知府嵇宗孟重建府治二十四年知府馬如

龍因川堂久廢重建顏曰越石堂雍正八年知府喬世臣
重修正廳爲蘇白堂前爲露臺爲甬路爲戒石亭爲儀門
東西廊爲六房解爲架閣庫儀門之東爲經歷司爲土地
祠西爲照磨所正堂之後爲川堂爲有美堂

宋守梅摯建
蔡襄書名勝

志在吳山頂今故址不存
而府治後堂尚仍其名

又後爲知府宅題其門曰清惠

公署內爲敬事堂左有琴鶴堂後有樓曰極高明內署東
爲土地祠祀宋蘇文忠公軾正堂之東爲清軍同知廳後
堂西北爲資盈庫爲理事同知廳爲水利通判廳東西廊
後暨清軍廳東皆吏舍儀門外東爲親賢館爲司獄司官
吏廨大門外爲坊一前臨河上跨石梁曰宣化左右石坊

二東曰親民西曰平政

浙江通志

乾隆四十年知府噶爾弼善重修四十二年知府邵齊然

重葺景蕓亭規模仍前制

檔案杭州府治故有景蕓亭余承乏

知府事葺而新之重復古也杭州太守多矣而蕓文忠獨

著文忠去今幾六百年矣而杭人思慕者久而不忘治績

之流傳豈不以其人哉頃余修府志博採舊聞凡夫六橋

三竺名勝之區與夫天目徑山玲瓏岸萼諸山之在屬縣

者自經文忠之標題而山川若爲之生色至今士大夫猶

稱道弗衰未嘗不嘆前哲之風流輝映爲不可及也方今

聖朝整飭吏治有司奉

詔書從事期於化俗而宜民使僅以模山範水爲景仰蕓公之

德意

蹟豈所以導揚

哉考宋史及咸淳臨安志文忠在杭州開濬西湖興治水

利成永久之利其他折獄明允賑災卹民諸政俱可爲後

世之法蓋實有迴勝於前後諸太守者宜乎杭人之稱道

者莫如蕓公而太守所當景仰者亦莫如蕓公也然宋自

神宗以後國是紛紜紀綱漸弛卽賢如文忠究亦不安其

位而去豈能如

國朝重熙累洽躋斯民於

仁壽之天奉職承流並昭廉法仰蒙

翠華臨幸澤溥東南瀛海隄防稟承

睿畫垂鞏固之基裕盈寧之慶申錫於億萬斯年遭遇

昌期詎宋臣所能企及哉夫風俗以時而遷轉今杭州風氣醇

樸士大夫俱知束躬自好而小民勤於耕織八蠶再稻歌

舞太和其俗爲易治則夫順時休養求無愧於前賢在守

土者所當自

勗矣是爲記

清軍總捕同知署 在府二門內東中爲理法堂左右爲

吏廊後爲川堂爲退思門東爲土地祠進內爲宅門爲衙

堂曰比義堂後有樓爲寢室爲耳房東爲書廳雍正八年

同知李飛鯤捐葺大門外有郡司馬坊

浙江通志下並同

理事同知署 在府堂西舊爲理刑推官廳明萬歷初推

官王涖改碧蓮館爲之在縣治西

國朝康熙六年奉裁今改爲理事廳

浙江通志

東塘海防同知署

雍正十一年新設駐劄海寧

浙江通志

乾隆十八年以前同知皆僑居民舍二十年移駐海防道

署二十四年杭嘉湖道仍駐海寧咨准部覆將海神廟東

道院改爲東防衙署

檇案

西塘海防同知署

雍正十一年新設駐劄海寧

浙江通志

乾隆十八年以前以未建署僑居民舍十九年制府喀爾

吉善咨部將省城內裁存織造司庫房屋一所撥給居住

遇伏秋汛期在工所防護三十三年撫軍熊學鵬

奏准于仁和縣翁家埠建署移駐

案稿

督糧水利通判署 在府二門內西北府後堂西北有局
糧水利二通判今局糧改理事同知其糧務歸併水利廳
分署通判廳在城東北塘棲鎮嘉靖二十五年督撫胡宗
憲題請增設主捕盜今奉裁

杭協中軍都司署 在保安坊署東向大門三間左右廂
房五間上地祠一間儀門三間大堂五間左右廂房六間
川堂二間書房一間二堂五間左右廂房二間後樓五間
左右廂房各三間東首馬神廟三間馬房三間右首箭廳
三間康熙七年創建

按府屬有儒學署見學校卷中縣屬倣此

稅課司署 府治東北二里西文錦坊明洪武初建于井

亭橋八年建今處

舊志下並同

江漲稅課司署 治北十里霍山坊明初建北門外洪武

中移此

城南稅課司署 明初建城南上隅後移浙江亭左

城北稅課分司署 府東北八里艮山門內明初爲稅課

局後改爲分司

南城河泊所署 城南下隅去府八里

批驗茶引司署 城南上隅近龍山關今裁

織染局 在布政司北

遞運所 在武林門外

武林驛署 府治東四里芝松坊初在武林門外後徙此

吳山驛署 城北武林門外明初爲杭州驛

陰陽學 芝松坊明初建

醫學 明初建惠民藥局于西文錦坊

僧綱司 明設于廣慧寺後併仙林寺

道紀司 明建署佑聖觀

前衛經歷司署 在都司東

右衛經歷司署 在都司西二衛俱有左右中前後五所

錢塘縣

錢塘縣署 在府治右漢魏時在靈隱山麓後徙錢湖門

外唐武德四年徙錢塘門內宋南渡後徙紀家橋華嚴寺

故址

樓鑰錢塘縣題名記錢塘古都會繁華甲于東南高宗駐蹕于羔民物百倍于舊附郭二邑事體寔重他

郡邑莫敢望紹興二十七年有旨錢塘仁和北開封府祥符兩縣中書擇才受任秩滿許以陞擢于是選任又重仁和乃錢塘之分故錢塘尤重焉紹興二年宋君玠始至興治發頌堂以無事哀集前任人名字刻石以記之後有考明洪武四年知府劉文以附府署爲便徙今處在城西

南之豐寧坊前臨吳山後帶湖水清波門湖水自流福溝

入宣化橋

國朝因之康熙五十三年燬署縣事樊琳重建正堂曰如保堂

甬路南曰戒石亭儀門曰朝宗首縣儀門東爲大門堂後
曰亦保堂爲內衙堂東西爲庫又東爲典史廨其西爲丞
廨東西爲六房儀門內東爲土地祠西爲獄儀門外東爲
寅賓館西曰申明亭旌善亭

浙江通志

按乾隆三十五年知縣事芮泰元詳請修整規制如舊
西溪稅課局署 錢塘縣西二十七里西溪市明建

縣冊下同

安溪奉口稅課局署 縣西北五十里明建

河泊所署 縣西北九里洪武中建

浙江驛署 縣南十里瀕江龍山關左明建

龍山關署 縣南十里今裁

跨浦壩署 縣東南五里今裁

鄉約所

急遞鋪 武林門外爲鋪者六西爲鋪者三南爲鋪者六
黃冊庫府學右

公館一在本縣儒學右一在武林書院後

仁和縣

仁和縣署 在府治左梁龍德二年析錢塘鹽官置錢江

縣宋太平興國四年改今名舊治在武林門內梅家橋西

宋徙招賢坊今興賢坊紹定間令胡巨卿重建

喬行簡重建縣治記

仁和在吳越時爲錢塘附郭太平興國三年錢氏奉圖籍入朝改今名建炎南渡邑視赤縣縣宅莫詳締建之始紹

定壬辰胡君巨卿來領縣顧瞻庭宇岌岌動搖寧乎將壓
京尹余公捐錢四百萬俾更之令承命惟謹度財賦功增
卑培薄易湫隘爲顯敞自庭宇廊廡寔處庖厨無不徹元
其舊而新之率作興事不勞于民不愆于素是可書也
以附府爲便徙今處洪武初復遷興賢坊四年知府劉文
改元錄事司爲今治二十七年燬縣丞邵英重建正堂爲
無倦堂東爲丞宅西爲典史宅土地祠在儀門外堂東西
爲六房中爲戒石亭後爲庫外爲申明旌善二亭

國朝改無倦堂爲明親堂縣門西向雍正九年知縣董怡曾闢
東廡南出跨河爲梁啟正門而扃其西

浙江通志

仁和場署 舊在仁和縣東二十都今移建清泰門外

縣志

杭州鹽倉批驗所署 在縣治東北一十里艮山門南元

時浙江檢校所址也明初改今名

仁和縣志

橫塘臨平稅課局署 去城東北六十里臨平鎮明初建

舊志

塘棲巡檢司署 在塘棲鎮

縣志

河泊所署 在臨平鎮今裁

舊志下並同

猪園壩德勝壩並在武林門外舊設壩官今裁

鄉約所 仙林寺內

急遞鋪 武林門外八慶春門外五

海寧州

海防兵備道署 雍正十一年新設海防兵備道一缺駐

劉海寧兼治水利建道署于海寧城之鎮海門內後裁道
缺改爲東防同知署乾隆二十四年三月杭嘉湖道自嘉
郡仍移駐焉署南向大堂後爲寶廉堂又後住房堂西書
室前有軒曰絮景面池通以平橋修廊環繞前爲儀門爲
大門東西爲轅門爲鼓亭乾隆四十四年杭嘉湖道董世
寧重加修葺規制如前

檔案

海寧州署 在崇儒坊西三思橋北宋太平興國四年建
治七年令王昞別爲治事之所而增大之紹興元年令陳
恕重修元元貞二年縣陞爲州署仍宋舊延祐二年學士
趙孟頫書帥正二字爲廳額元統三年判官任惟勤重修

方回鹽官州記浙西道總管府七杭爲大杭縣九鹽官爲
大大而新之爲州宜也鹽官見漢書地理志猶鉄官工官
服官圃羞官也元貞元年五月中書省奏准縣戶五萬至
十萬以上升中州設官六戶四萬升下州設官五浙西東
江東三道升三十三州而鹽官爲中州戶口多則賦訟繁
賦訟繁則權任不可以不重權任不可以不重則名位不
可以不隆今左轄別駕既隆且重凡六同寅徵科聽訟之
間固以新其官儀有以鎮壓厭服之矣期會應酬之際欲
上薄而下治則不容不分其劇而均其勞此今日作新之
意也鹽官民俗淳古錢氏至今不知兵革戶口所以繁衍
升州以來衆賢侯克新其民廟學新而儒氣盛倉廩新而
國用饒鎮守軍營新而居民便政教風俗與之俱新而又
歲事比登潮患頓息撫摩培養益裕日新不已海隅
之民幸乎哉州官奉直大夫達魯花赤聶古伯公校尉同
知州惟古沙忠顯校尉同知州劉公仲從事郎州判申繼
賢徐宗成等相繼亦已可觀鎮守千戶宋瑞州教授吳孟
陽請賢相與聿新之州新升不可無記始事必書古史法
也抑書事者石也衆賢之可書而不朽者非石也將與甘
棠無窮焉明復爲縣洪武三年建官吏宅舍于廳之後正統九

年令伍服重修宏治十六年令孫旻重建譙樓至嘉靖十五年隳敝令嚴寬新之萬歷五年令蘇湖重建

舊志

國朝順治十一年知縣秦嘉系又加葺焉治廳三楹顏曰節愛明中丞溫純書中堂三楹爲退思軒令復爲清愛堂後堂三楹原額帥正後住房三楹在帥正堂後又耳房三楹陽春堂五楹久廢始復內書室三楹在西側舊書室三楹在直北承屏在治廳東典史宅在治廳西北儀門三楹外譙樓三楹屏宅後舊有圃圍有堂曰平政曰綠繞有亭曰錦香曰仰高曰梯雲西廳之後有便室曰讀書林其側曰進德齋花竹夾徑松檜參天爲公餘遊憩之地皆宋時遺跡

云浙江通志舊治廳後治廳別創遂爲晏懋之所令王任改爲

師猷堂舊書室令鮑鈐新之額曰又新齋乾隆三十七年

令劉雁題重修告天樓改爲觀風樓三十八年巡撫三寶

題准陞縣爲州知州戰效曾捐俸鼎新規模益備

州冊下並同

州判署 乾隆四十年建在長安鎮西蒲鞋橋東大門三

楹儀門一楹大堂五楹捲軒三楹土地祠一楹二堂五楹

內住房三楹東西耳房四楹客房三楹書房三楹吏房一

楹凡改建工料卽以原設之丞署變價抵用不敷知州戰

效曾州判嚴灝捐補

吏目署 縣尉廳事三楹後有軒西爲內室乾隆二十三

年典史龔凌建書室三楹額曰拂雲三十八年典史改爲吏目廨仍舊四十年吏目孔繼榮重修

許村場大使署 在縣西二十五里時和鄉徐家壩明洪

武初建永樂九年海患毀移安國寺東

舊海寧縣志

西路場大使署 在州東六十里靈泉鄉黃灣市明洪武

初建

舊海寧縣志

萬歷三十九年移建新倉

黃灣場大使署 乾隆五年以西路場事繁分設駐舊倉

未建署僦居民舍

海塘通志

赭山巡檢司署 在州西南四十五里元至正間建洪武

初潮嚙署址三年移置赭山北永樂六年遷文堂山

舊志

急遞舖凡十六

富陽縣

富陽縣署 在城東北唐咸通間縣令趙納建宋嘉定間

令呂昭亮重建

謝震重建縣廳記富陽古富春自晉宋以

駐蹕臨安今隸議甸東西四十三大縣號難治此其一焉
宣和庚子盜發旁縣焚蕩公宇壬寅草創垂九十禩惟姑
蘇范公之柔立南北室一新園扉鄧峯樓公滿更絃歌堂
重揭華扁治事之所蓋有待也嘉定戊辰秋七月天台呂
公實繼之始至慨歎欲舍舊圖新會講荒政姑云徐徐明
年境內有秋賦入不乏上供送使留州以治辦聞公曰可
矣檢括滲漏得節浮冗內倚寮友工師夫力渥犒優庸瓦
墁竹木豐資設給公無一文移私無一怨咨修麗崇廣遠
過舊規廼植重門廼崇兩廡對峙傑閣肇建便廳銷注有
隅受給有廩補前者未備也經始于嘉定乙巳季秋之末
迄事于孟冬之元為屋大小三百楹用材暨工役為錢僅
萬緡皆取裁抑之餘民不知也落成之日若士農若工商

欣願駭却成曰弊者新腐者堅壯哉縣得非天造地設與抑龜川澎湃負至與鶴嶺嵒巒列仙幻出與何以成功若此速也雖然舉固成于公之敏手亦有維綱是者方其間端卿趙公師石佐其費公之志得以勇于欲爲及其垂成文昌趙公師石其用公之氣不至沮于已爲成始成終非偶然也邑人請刊氓以紀梗槩公重拂衆志因屬筆于震焉震竊問文忠蘇公欲先定其規模謂如官室之營必料資財豐約以定大小之制則及期而既成信矣乎規模之不可不先定也公之興新縣宇不勞而成行所無事以至修學校以淑多士繕廟社以福斯民設亭館以肅重客百廢具舉一毫不擾使其膺重任于繁劇雍容袖手一奏胸中萬全之技豈不如是室哉夫規模之宏偉足以規德業之久大亦孫典型文獻之具存也公諱昭亮大丞相忠穆公之嫡孫源流深長有自來矣嘉定三年四月朔旦從政郎新差充兩浙西路提舉常平司幹辦公事謝震記元末燬明洪武九年知縣

楊敬儒建呂昭亮始移本處宣德九年令吳堂更新之

國朝順治五年知縣朱陞臣重建康熙元年朱永盛增建譙樓

九年知縣牛奐建堂堂之前爲軒爲甬道爲戒石亭爲儀門後爲川堂爲後堂後堂之左曰斐如堂堂後有樓周以新篁曰萬竹樓宋李彌高揭扁于堂後東曰不欺室西曰讀書齋明縣令吳堂作不欺室讀書齋銘堂左爲典史宅又東爲縣丞宅儀門外爲賓賓館土地祠縣門有譙樓

江浙

通志

東梓巡檢司署 縣西南五十里外屠山村元建明因之

舊縣志
下並同

會江驛署 宋嘉定中令徙建于通濟橋明洪武三年徙今處按古驛在縣西後梁貞明間立高風驛在永寧寺後

宋時建今廢

稅課局署 縣東三十里初爲觀山務明改局今廢

河泊所署 縣西南二十五里祥風村明洪武中建後裁
陰陽學舊無衙門就民居署事明初建

醫學 南門內今裁

僧會司 縣南慈修寺

道會司 縣北丹霞觀俱洪武中建

急遞鋪 凡五

餘杭縣

餘杭縣署 在茗溪之北通濟橋西按輿地志治舊在溪

南後漢嘉平二年縣令陳渾徙于溪北宋宣和中燬縣令江表重建建炎間燬縣令張元嗣復建乾道四年改創縣門鼓樓紹定癸巳令趙希磐新之元大德五年達魯花赤忽都魯沙拓廣之延祐二年縣令王昌又新之至正末又燬明洪武二年臨安縣主簿黃思道署縣事重建永樂七年知縣林源重修正統間縣丞邱熙岳重建州堂衙舍宏治元年知縣孫冕以譙樓太偏儀門遷四十步許十五年知縣冉繼志復建後堂嘉靖四年縣丞賈明通重修正堂增置衙舍知縣曾玉山重修大門儀門六年知縣王確仍于後堂東偏建思補亭萬歷三年知縣萬士楨重建譙樓

三十一年知縣程汝繼改建譙樓題曰清遠并改堂衙創集瑞樓三十九年知縣戴日強建武林首鎮坊

國朝康熙八年知縣張思齊重修內署衙舍添建南北書屋各三楹後建寢室復以主簿舊衙廢址闢爲縣圃治廳東北爲丞宅東南爲典史宅

浙江通志

石瀨巡檢司署 縣東北三十五里宋建今裁

舊志下並同

石瀨稅課局署 縣東南二里市司坊明洪武初設宏治間裁

河泊所署 縣東三里集慶坊明洪武中設今裁

陰陽學 縣南安福坊洪武中設今圯

醫學 縣前三里三皇廟側明洪武三年徙置縣東南遺址尚存

僧會司 在永安寺

道會司 縣南十八里洞霄宮內洪武十五年設

急遞鋪 凡十二

臨安縣

臨安縣署 在東市太廟山右宋以前治建高陸鄉溪東

石刻碑尚存宋景定三年令家之巽移建西市保錦山明

洪武初知縣袁思謙移置東市

章思謚臨安縣治記親民之司莫縣署若也深山大

谷流遁未歸思輯用柔其惟令長臨安爲杭屬邑自戊戌
幾于兵丙午內附官治未遑葬也明年丁未春郡從事賴

川陳君著來蒞縣事茅于青山之陽觀者殆皇皇焉厥夏四月汝南袁君思謙宰茲邑甫下車卽舊治所屏狐兔薙榛莽壤道以補仆木以直出其廩之食于公者爰始爰謀百堵皆作工善吏勤民樂趨事仍董以幕賓河南陸世榮肇基于夏五月壬辰落成于冬十月丙午于是官視政有堂吏給筆劄有舍門廡具飾庖廡具備是月甲子尹帥同官用奠新邑會幕賓樂安孫君實始繼其緒又明年戊申春邑丞豫章羅君謙亭主簿江夏黃君思道爰踐乃職共燕父老于亭東臨大滌西顧天目南眺石鏡北瞻凌霄剝水殘山悵然在望矣邑父老陳文珍等過予請曰臨安距城僅百里自晉王謝遊觀來迄于唐錢鏐氏之湯沐宋蘇軾氏之品題十錦之目光于地志今汝南君誕新官署不日用協宜文諸砥式示厥後子歎曰公役孰不厲諸硯哀諸衆臨安薦屬多故蒸黎予遺今官署經營不役用命爾氓戴之如親疇不歸諸懷抱我行其野桑麻翳如官署之永存令尹之不可忘也周雅有之愷弟君子神所勞矣予既復父老請并繫以詩俾邑中子弟歌之曰維杭屬邑顧瞻臨安苗頑焚如烝黎用殘鳴琴有堂茂草斯鞠伊其經營實難土木草萊勿除野人兔羅孰取其茅青山之阿君來濡須四月維夏彷彿故邱亦爰其下日吉辰良乃輪其

材武城絃歌保民如孩甘棠有陰
思我賢伯我歌且謠其永無斁

國朝因之中爲忠愛堂明袁思謙建後燬康熙二年知縣楊琳

重建

楊琳重建臨安縣治記臨安爲宋錢武肅王故里山

墅東徙肩太廟而面功臣踞諸山之勝值伏莽蠢動遂毀
于兵越今二十載以行館爲署舍簡陋相因歲肯見告議
者病焉今于康熙二年仲春余備員茲土者已一載餘矣
邑之父老以興復爲請因告諸上臺咸報曰可于是悉俸
薪罷贖錢鳩工經始時蓋仲春朔有二日也紳士耆老農
賈牧豎靡不歡欣鼓舞趨事如市甫兩月而門廡廳事退
思燕寢之所無不畢具此豈余勞民之力而迫其成乎實
民之自效者深而不以爲勞也余因思縣治之于四境猶
人之有心也方寸不治求耳目明手足強齒髮堅懋不可
得也縣治立則端內以正外澄本以潔末郊野寧黍稷登
華息蕃人文萃亦猶心說而體榮中腴而外澤也廼知民
之效于上者正上之所以效于民者也余之所以因人心
而慮始又因人心而樂成也同時襄厥事者師席則有富
湖陸君瀚原慶元吳君貞明邑幕則有貴池查德培若本

邑縉紳先生文學之士以及父老胥匠或發其費或董其
程或宣其力凡有功于是役者姓氏載諸碑陰以與宋功
臣故里全垂不朽云六十年張淑邵重葺堂左爲耳房庫右爲架閣

庫前爲戒石亭爲儀門爲大門上建譙樓堂後爲縣衙內
廳樓二所有古柏亭亭參漢堂東北爲簿牒奉裁廢東南

爲典史宅

浙江通志

稅課局署 縣西宋太平興國中建祥符徙西市明洪武

中重建後併入青山稅課局

舊志下並同

青山稅課局署 縣東十五里舊名桃花務明正德間與

縣稅課局并裁

陰陽學 布政分司西

醫學 城隍廟前皆明洪武中建今址存

僧會司 初在海會寺後遷淨土寺縣南三里

道會司 初在崇道宮後改清修觀縣西四里並明洪武

十五年建今皆廢

急遞鋪 凡五

館驛 東八十步

於潛縣

於潛縣署 在石柱峯右唐武德七年以縣置潛州治在
豐國後鄉八年州廢復爲縣徙治今所宋政和初令韓瓘
改廳事南向隆興初令葉衡于廳事東築退思堂元慶中

衡入相令邵文炳名其堂曰袞繡元至元五年建譙樓明
洪武二年知縣梁誠增建門廡官廨吏舍宏治十七年知
縣嵇綱重新正堂嘉靖二十四年令陳煊于後園鑿池築
亭其上曰後樂二十七年令汪石川改曰培竹

國朝順治三年知縣張予信重建治廳前爲戒石亭爲儀門東
爲幕廳又東爲知縣宅前爲典史宅治廳後爲川堂爲後
堂儀門外爲倉爲獄南爲譙樓門外爲保釐坊

浙江通志

醫學

治南

舊志下並同

陰陽學

久缺明嘉靖中令汪石川併署醫學

僧會司

道會司

久缺前令汪石川以撤湣祠移置觀

政橋增廳事今仍廢

急遞鋪 凡六

新城縣

新城縣署 在城南隅縣治自三國吳黃武五年始置其

署因革莫考宋紹定六年邑令陳啟建治廳丞相鄭清之

書縣額咸淳七年邑令陳君寶建縣樓于儀門之南其丞

廳簿尉司皆在治外

浙江通志 許自譙樓記今之邑令古之子男諸侯也子男親大國雖有

差然宮室制度體莫不具古公之治岐也地不過百里俾立室家卑門有仇制視大國不敢自小焉義者曰諸侯之官外門曰卑門仇者高也今儀門之外譙樓巍然以高爲貴者其卑門之遺制與新城爲邑晉咸和間置梁間平改爲新登我朝興國三年復新登爲新城邑在叢山石齒間規制陋如建炎駕幸杭升爲臨安府新城遂爲天府支邑

非令壯麗不宜然歷年多沿簡陋自若也前後令補辦
其漏姑以寧其居若燕樓則幸猶未歷漫弗啓省咸淳六
年夏陳侯來宰斯邑以儒爲政一意撫字民間服習其意
向謹趨其唯諾暇日登燕樓環顧日歸事庫堂寢狹皆可
緩惟譙樓所以尊儀制而肅觀瞻視刻漏以警昏所爲一
邦之耳目可固陋耶爰謀改造或曰今之能稱者猶懼朝
夕奉期會且不暇安有餘財可治不急乎侯曰財止此數
安得餘苦節而已不可勤民也于是簡絀百度縣有經費
之贏舊以給令私費者侯悉錙積錄計別貯之以備工費
巨室喜義者聞之亦願飭材以助其役焉經始于咸淳七
年十一月壬申就農隙也時冬曦晴盎寒不凝沍役者忘
勞將考成而雪始作是役也若天相之樓故三間今翼而
五厚基博礎增楹豐楹規模顯敞比舊倍差諸山如屏筆
峯前峙朝暉夕霏皆獻狀而入指顧者也侯移書屬于記
予謂今之長吏喜趨辦者不顧乎根本之傷樂因循者不
愧乎規模之陋趨辦而傷民力者非仁因循而憚改作者
非智二者胥失之善爲政者劑量緩急無偏而不舉之處
侯自下車以來常有視民如傷之心疏櫛其鬱結搔摩其
痛癢迨夫物和洽而民伸紓也始以其積二年之勤而營
度之侯之爲人聲色不暴而命令不煩故役之興也田里

不知千室晏如而樓突兀雲漢矣雖然樓之魁傑麗偉既足以壯一邑之觀令之起居勤怠亦一邑之休戚係焉後之爲令者其將聽鼙鼓之鼓而擁黃紬耶抑將焚香宴坐數通夕之漏耶賢者必知擇矣侯名君寶三山人咸淳八年八月
日記元至元二十六年縣尹韓復重建縣廳至正末燬

明洪武元年知縣徐弼重建
成化舊志宏治五年知縣林著建

後堂川堂正德十六年知縣梁相撤譙樓建大門嘉靖四
年知縣李應春充拓基址重建譙樓

國朝順治十八年知縣吳敏含建正廳康熙十年知縣張瓚題
曰親民前爲架閣庫爲公生明亭爲儀門東爲土地祠西
爲君子堂南爲譙樓川堂後曰深清堂堂後爲縣宅堂右
爲典史宅川廊西爲種花處上有旌蓮亭前有月池池外

半畝花柳鮮妍梅竹娟潔池有紅白蓮中架木橋四洞以

通出入

浙江通志

南新巡檢司署 在縣西南

舊志下並同

陰陽學 縣東五里明初建今廢

醫學 縣西半里今廢

僧會司 縣北十五里普照院明初建

道會司 久廢無考

東安馬驛 城外西北隅久廢今名馬站里

急遞舖 凡四一在縣北二里一在縣北十里一在縣西

八里一在縣南二十里

昌化縣

昌化縣署 在唐山南唐垂拱三年始置紫溪縣治乃今於潛縣之潛川鄉也萬歲通天元年析紫溪縣地別置武隆縣徙治于唐山之南其後縣名沿革不一而皆治于唐山宋宣和中令錢冰重建廳署元大德間達魯花赤愛丁重建至正末燬明洪武二年令李質徙山趾爲儀門治廳曰應宿堂嘉靖壬寅令馬逢伯改曰牧愛堂廳事後爲清白堂爲知縣宅萬歷四十二年令康萬有重構卽其內書樓新之曰吏隱齋清白堂之東爲耳房庫西有滴翠亭左爲架閣庫右爲幕宅南爲戒石亭前爲儀門門左爲親賢

堂右爲土地祠前爲譙樓

浙江通志

手寧巡檢司署 在十二都手寧嶺

國朝司署燬于兵暫寓民居古寺

舊志下並同

稅課司署 在石井巷

醫學 縣西百步許

陰陽學 厲壇巷左

僧會司 舊在慈濟院後改治平寺

道會司 在真慶觀

蘆嶺關 縣東十里明崇正十七年令劉鼎築堵寨守之

楊嶺關 蘆嶺南令劉鼎建

黃花關 縣北六十里寧浙接壤最稱險要

千頃關 縣西北六十里

馬頭關 縣北九十里

嶠嶺關 縣北九十里以上三關俱寧績要路

國朝順治初寇掠邑令李人龍設土兵防禦于此

昱嶺關 縣西七十里高七十五丈徽杭通衢也山勢險阻元董搏霄于此破紅巾賊

急遞舖 凡八